


LESA UWAMAKA YONSE

AISOKOLOLA KULI IFWE

 Ninkwata Amalembo ayanono ayo nembele apa, ayo Ndefwaya ukufumyamo pakusosa kuli imwe, kabili Nincetekela ukuti Lesa ala pala ukubomba kwa mulimo wesu ukunono.

² Nomba, abantu abengi balasunguka umulandu twabela abaibela kabili aba congo ngaanshi. Namwishiba, uyu musango uwaibeleleleko ku—ku musonkano uyu untu abantu ba—ba belesha ukumona. Kabili, ilingi line, fyonse fyaba mu mibele ya yatambalala—kabili-iyabulo kutwishikwa. Lelo lintu twisa kuli iyi misonkano, ico caba ishanda insambu ishaibela nomba pa myaka iingi ukutula apo yena yatampile muku balilapo, kabili tatwishibe bwino ico ifwe tulingile ukucita. Twaisafye kabili nokucimba pa lwesu. Ico ecintufye cimo ico ifwe twishibe ukuti tucite. Kabili Lesa eucita icashalako ica ico. Eico ico citulenga ifwe ukuba abantu abaibelako—mukucita.

³ Ubushiku bumbi, umuntu umo atiile, “Namwishiba, mwe bantu icine cine mwaliba abaibelako.”

Natiile, “Cisuma, Nde—Nde tontonkanya ifwe efyo twaba.”

⁴ Kabili Nde ibukisha umusonkano umo. Munyina Troy alenjeba ine panshita imo palwa mwaice umu Germani uyo uwalandile ukutula ena alipokelele ulubatiso lwa Mupashi wa Mushilo. Kabili ubushiku bwa konkelepo, mwituuka umo ena alebomba, ena aleimya amaboko yakwe kabili nokulalumbanya Shikulu, kabili nokulalandila mu ndimi nokutwalilila ifyo fine, mu musango uushawama. Kabili mukushalikisha, umukalamba wa ncinto aishileko no kutiila, “Heini, bwafya nshi bwaba naiwe?”

⁵ Ena atiile, “Oh, Ine nali pusuka.” Ena atiile, “Umutima wandi ufumfumukafye noku sangalala.”

⁶ Ena atiile, “Ukuba, iwe ufwile waliyako kuli liya ibumba lya ba fulungana kulya kwine.”

⁷ Ena atiile, “Ee. Ubukata kuli Lesa!” Atiile, “Ndetotela Shikulu pali balya bafulungana.” Ena atiile—ena atiile, “Iwe bula motoka, isa pa mu musebo.” Atiile, “Iwe nga wafumyako yonse ama nati kuli yena taukwete nangu cimo lelo mwinafye wa ‘fyela.’” Kabili ifyo efyo. . . Cena caba ica lungama, namwishiba.

⁸ Ubushiku bumo mu California, Naleya mu musebo wa Los Angeles, kabili Na mwene umuntu uwakwete icishibilo pa cifuba cakwe, kabili *apa*. Kabili alebelele ukuti, “Ndi cipuba cakwa

Kristu.” Kabili onse umuntu alelolesha pali ena. Kabili Nali ba mwene balepilibuka no kulolesha, pa numa nga apita apo bali. Kabili Natontonkenye ukuti Nalamukonka pamo nabalya bonse. Kabili palya pa . . . panuma yakwe, ena alembele ukuti, “Ninani untu wabelako icipuba iwe?” Ee. Ndetonkanya ifwe twaba abaibelako, kuli umo no munankwe, imwe namwishiba.

⁹ Lelo, namwishiba, isonde lisa mukuba mu cilindi ca musango ngoyo, mpaka icintu cimo icaibela, mpaka abantu batontonkanya ukuti palipo palipo cimo icilubene. Kabili ilingi line Lesa alacitapo icintu cimo icaibela, pakubwesha abantu kuli Baibele nakabili.

¹⁰ Ndeingililamo ukuti Noah aali umusango wa—wa muntu uwafulungana, kuli ilya nkulo ya sayanshi umo ena aikelemo, pantu bena baleshininkisha ukuti takwali amenshi mu makumbi. Lelo Lesa atiile kukabako yamo mulya. Eico, Noah, mukushimikila no kucetekela ico, ena asangwike uwafulungana.

¹¹ Kabili Ndeingililamo ukuti lintu Mose aile mu Egypto, ena aali mu musango wa—wa kufulungana, kuli Farao. Lelo ibukisheni, Farao aali uwafulungana, kuli ena, pamo. Eico bena . . . Ifwe natwiluka ico.

¹² Nangu ni Yesu bale mutontonkanya ukuba uwa bufi. Ico nacilungama. Martin Luther aali uwafulungana, ku chalichi caba Katolika. Kabili Yohane Wesley nao wine aali uwafulungana, kuli ba Anglicani. Eico, namwishiba, yena ili—ili yena nshita ya wafulungana naumbi. Bushe tamuletonkanya ifyo? [Ulukuta lwatiila, “Ameni.”—Kale.] Lelo, ilyo takulaba inati, na mwishiba, kufwile kwaba icela ca mashinga, mukubalilapo, icakukakako kuli cena.

¹³ Eico, namwishiba, Noah, ukuba uwafulungana, ena . . . Ciseda inati, lyena lyatinta icela camashinga, lyatinta icintu cimo pamo, kabili nokwikatilila icintu cimo capamo. Eico, Noah alitintile bonse abo abali no kucetekela, ukwingila mu bwato, ukufuma mu bupingushi, mukuba uwafulungana.

¹⁴ Tulesanga, ukuti, Mose atintile icalici ukufuma mu Egypto, mukuba uwafulungana. Ico nacilungama.

¹⁵ Ndetontonkanya ifwe tulekabila inati nomba, ukutinta Nabwina ukumufumya mu chalichi. Tulekabilapo icintu cimo nomba, umuntu umbi, eico ifwe tuli bantu abaibelako ababa ifyo. Kabili Natontonkanya, mu nshita iyabushiku, nga Shikulu afwaya, Ine kuti nafwaya ukweshwa ukubelenga Amalembo yamo ukulola kuli ici cine, kabili no kulanda kuli imwe mukashita akanonofye, kabili nokweshwa ukumilanga umulandu ifwe twabela abantu abaibela ngefyo.

¹⁶ Lekeni nomba tupilibule Amelembo, ku Abena Filipi capitala 2, 1-8, kabili Abena Korinti wa Cibili 3:6. Kabili

natubelenge ifwe, nga fintu ifwe twacekekela i Cebo cakwa Lesa.

¹⁷ Kabili nomba, ilyo tatula belenga, lekeni tukontamike imitwe yesu nokupepa.

¹⁸ Mwebakusenamina Tata wamu Muulu, ifwe icine cine tuli bantu abakwata insambu, mu nshita ino iyabushiku, ukwikala muli ino nkulo, kabili nokumona ifi fintu ifwe tumona cila bushiku ukula twalilipo, kabili nokwishiba ukuti inshita naipalamina ku mpela, lintu Yesu akesa mukusendo Lukuta Lwakwe. Oh, ico cacincimusha imitima shesu, Shikulu! Kabili ilyo tulepilibula amabula, muno munshita ya bushiku, twapepa ukuti Mwala tupela ifyakuloleshapo ukufuma muli aya amalembo. Kabili lekeni Mupashi wa Mushilo asokolole ku mitima yesu ifintu ifyo ifyaba ifisuma kabili ifyakusekesha Lesa. Pantu twalombela ifi mwi Shina lyakwa Yesu. Ameni.

¹⁹ Namwishiba, cetekeleni Nalamipusha ukucita icintu cimo. Ine—Ine ilingi line ndepusha pa fintu fimo ifyeni, kabili Ine ninsubila ukuti Ine nshaipushe pa cintu conse icili iceni. Lelo lintu twalaya ukupela umucinshi ku mendela, ifwe bonse tuleminina. Lintu—lintu imindela ilepita mu pepi, ifwe tuleminina; ico, tufwile ukucita. Kabili natwiminina, ukpela umucinshi. Lekeni twiminine pa makasa ilyo tulebelenga i Cebo, nga imwe mwafwaya, Abena Korinti wa Cabili 3:6.

Uyo...uwa tulenga ifwe ukuba bakapyunga wa cipingo cipy; te ca malembo, lelo ica mupashi: pantu amalembo yalepaya, lelo umupashi upela umweo.

Lelo nga—lelo nga bakapyunga bwa mfwa, ubwalembwa kabili ubwalembwa pa mabwe, bwali ubwa bukata, pakuti abana bakwa Israeli bafililwe ukumona bwino bwino icinso cakwa Mose ku bukata bwali pa cinso cakwe; ubo ubukata bwali nokufumishiwapo:

Bushe nga bakapyunga bwa mupashi tabwakabe ubwa cilapo mubukata?

Pantu nga bakapyunga bwa kusekwa ngabwaba ubwa bukata, pali bwi bweni bakapyunga bwa bulungami bukacilapo mu bukata.

Pantu nangu fye ico cali no bukata tacili no bukata nomba muli uyu musango, pa mulandu wa bukata ubwacilamo.

Pantu nga cilya icafumishiwa cali icabukata, ni mumusango nshi...nangu ukucilamo kwa ico icili no kwikalilila ukucilapo mukuba no bukata ubwacilishamo.

Ukumona nomba ukuti ifwe natukwata isubilo lyaba ngefyo, ifwe tulanda apakalamba mukutambalala kwa kulanda.

Kabili tekuba nga Mose, uyo uwabikile icifimbo pa cinso cakwe, ukutula abana bakwa Israeli bengafilwa ukumona bwino bwino ukumona ku mpela ya ico ica fumishiwepo:

Lelo amano yabo yali pofwile: pantu ukufika nakuli buno bushiku icifimbo cimo caikalila ukwabula ukufumishiwapo muku belenga kwa cipingo cakale; ico icifimbo ica fumishiwapo muli Kristu.

Lelo nangu ni kuli buno bushiku, lintu Mose abelengwa, icifimbo caba pa mitima yabo.

Nangu cibe fyo lintu cena cikabwelela kuli Shikulu, icifimbo cikafumishiwapo. Te. . .

Nomba Shikulu ni ulya Mupashi: Kabili ukuli Umupashi wakwa Shikulu, ku leba abuntungwa.

Lelo ifwe bonse, nefyaisuka ifinso tumona nga mucilola ubukata bwa kwa Shikulu, ukucinja ukuba cimo icapasho ukufuma ku bukata ukuya ku bukata, nangufye ngaku Mupashi wakwa Shikulu.

²⁰ Kabili mu Bena, Filipi 2, ifwe twala belenga ifi, ukutampila na versi 1, nokubelenga ukufika ku versi 8.

Nga—nga mwabamo icisansamushi conse muli Kristu, nga mwaba icitalaliko icili conse ica kutemwa, . . . isenge ilili lyonse ilya Mupashi, nga inweni isha luse ishili shonse,

Fikilisheni imwe ukusangalala kwandi, ukuti imwe mube aba yangwa, abakwata ukutemwa kumo kwine, ababa mu kumfwana kumo, kabili amano yamo.

Mwileka icintu nangu cimo cicitilwe mukutintana nangu mubukata ubwafye; lelo muku icefya kwa matontonkanyo lekeni cila umo asumbule bambi ukuba abacilapo pali bena abene.

Fintu umuntu nangu umo alolesha pafyakwe, lelo no muntu onse pamo pa . . . pafintu fya banankwe.

Lekeni aya mano yabe muli imwe, ayo pamo ayali na muli Kristu Yesu:

Ena, pakuba mu mibele yakwa Lesa, tatontonkenye ukuti cakusompola uwalingana pamo na Lesa:

Lelo aipangile u mwine palwakwe ukuba uwasulwa, kabili abulile pali ena eka imibele ya mubomfi, kabili apangilwe mu mimonekele ya bantu:

Kabili na muku sangwa mucikope ngo muntu, ena ali icefyeshe umwine palwa kwe, kabili nokuba uwanakila imfwa, nangufye imfwa yapa capindama.

21 Natupepe.

22 Tata mwebaba mu Muulu, ici i Cebo icikalamba icabelengwa, munshita ino iya bushiku, ukufuma Mufyenu ifya Mushilo Ifyalembwa, cipangeni Ici ukuba ica cishinka ku mitima yesu, ukuti ifwe twalaya ukufuma pano nga balya ku Emmaus, abatiile, “Bushe imitima yesu taya cilabilima mukati lintu Ena acilalanda kuli ifwe ilyo twacilaya mu nshila?” Pantu ifwe twaipusha ici mwi Shina lyakwa Yesu. Amenii.

Kuti mwaikalako.

23 Nomba, uku kubelenga ukwaibela, lelo Nde tontonkanya ukuti lyena na lyampama nganshi na pa cilecitwa. Nalefwaya ukulanda pe sambililo lya: *Lesa Uwamaka Yonse Aisokolola Kuli Ifwe.*

24 Nomba, ukutula apo umuntu abeleko, kwaliba insala mu mutima wa muntu, ukufwaya ukwishiba kuntu ena afuma, kabili no mulandu untu ena abelapo pano, kabili nakuntu ena ali nokuya. Kwabafye Umo uwingasuka ico, uyo wine e Umo Uyo uwamuletele ena pano. Kabili umuntu lyonse afwaya ukumona Lesa.

25 Ukubwelela kunuma ku Cipangano Cakale, ifwe tulesanga ukuti Lesa aali ifishile Umwine pa lwakwe ukufuma kuba shacetekela. Lesa ali kwata inshila iyaibela iya kubomba na bantu. Ena alaifisa Umwine eka ku bashacetekela kabili no kuu sokolola Umwine eka kuba cetekela. Lesa alacita ico. Yesu atotele Taata, ukuti, Ena alifishile ifi fintu ukufuma kuba mano naba cenjela, no Ku cisokolwela kutunya ngo to twingasambilila. Eico, ifwe twasanga ukuti Lesa tacinja, mu mibele Yakwe, kabili Ena abomba lyonse umulimo Wakwe mu musango umo wine. Ifwe tulesanga muli Malaki 3, ukuti Ena atiile, “Ine ndi Lesa, kabili Ine nshi cinja.” Eico, Ena abombela mu cipope cimo cine, inshita shonse.

26 Nomba natubule ibuuku limo pa yakokola ukucilapo mu Baibele. Ilyo Yobo, umo pa bantu bamo abalungami ukucilapo pa bantu abali muli bulya bushiku, umuntu uwapwililika mu mafunde yakwa Lesa, umubomfi, uwapamulu, umubomfi uwacindikwa, mpaka Lesa atiile, “Takwaba nangu umo uwaba nga ena, pe sonde.” Lelo. . . ukukabila kwakwe, panshita imo, kumona Lesa. Ena alishibe ukuti Lesa eko aba, kabili acumfwile ena ukuti kuti afwaya amumona Ena, nangu, nga teifyo, ukuya ku ng’anda Yakwe no kuya konkonsha pa cibi, kabili nokutiila, “Ine ndefwaya ukulanda pamo na Iwe.” Ukwikala panshi, ukulanda pamo na Ena, nga fintu na ifwe twinga cita kuli umo no munankwe.

27 Ifwe twalikhwata ukumfwana. Uyo emulandu wine ifwe tubela muli iyi misonkano, umo ifwe twisa capamo kabili—kabili no kulanda amatontonkanyo yesu. Kabili—kabili no kumfwana umo no munankwe, bwino, lintu twalanshanya no kupwisha ifintu pakati kaumo nomunakwe. Kabili naba kapyunga bala cita ico. Abantu mubwikashi ubwalekana lekana bala cita ico, bala lanshanya ukupwisha ifintu bwino.

28 Kabili, Yobo, Lesa aali umutuntulu kuli ena, ena alefwaya ukwishiba nga cakuti ena teti aye, nokukonkonsha pa mwinshi Wakwe, kabili—kabili nokukwata uku—uku lanshanya pamo na Ena.

29 Lelo tulesanga ukuti Lesa alilandile kuli ena, lelo Aali uwafimbwa. Aali uwafimbwa mu mibele yakwa kankungwe. Kabili Ena aebele Yobo ukukaka mumusana wakwe; Ena aali nokulanda nankwe, ngo muntu. Kabili Aikile muli kankungwe kabili—kabili nokulanda kuli Yobo. Kabili Alengele ukwishibikwa kuli Yobo ukupitila muli kankungwe, libe ena tamumwene Ena bwino bwino. Aleumfwafye umwela ulepupa kabili nokula pilibuka ukushinguluka, mu fimuti. Kabili ne Shiwi Iya fumine muli kankungwe, lelo Lesa aali uwafimbwa muli kankungwe.

30 Ifwe twasanga, kulya ku Africa, South Africa, bena babomfya ishiwi *amoyah*, ico icilepilibula, “amaka ayashimoneka.”

31 Kabili aya Amaka ayashimoneka, muli kankungwe, yali kwete Ishiwi ili ilyumfwika. Lyena Iya landile kuli Yobo, libe tamwene nemimonekele Yakwe. Lelo Aali uwafimbwa, kuli ena, na kankungwe.

32 Twasanga umo uwapali ba kasesema bakalamba uwa mu Baibele, Mose, uwamu Cipangano Cakale, umo uwa mu basalwa bakwa Lesa, ababikwa lubali, abamwenwa libela ababomfi, ena pamo akabile ukumumona Ena. Ena aali uwapalamina nganshi kuli Ena, kabili aali mwene ifntu ifingi ifya maka yakalamba aya kuboko Kwakwe ifyale citwa kuli ena kabili nokulamona fye ifintu ifyo Lesa fye eka engacita. Ena akabile ukumumona Ena ubushiku bumo, kabili Lesa aali mwebele ena, “Kabiye, keminine pa cilibwe.”

33 Kabili ilyo aminine pa cilibwe, Mose amumwene Apita. Amwene inuma Yakwe. Kabili ena atiile, “Cena cacimoneka kwati muntu, inuma yamuntu.” Libe, ena tamumwene Lesa. Amwenefye icifimbo cakwa Lesa.

34 Baibele yasosele ukuti, “Takwaba umuntu uwamona Lesa pa nshita yonse, lelo kano umo Uwafyalwa kuli Taata ewalanda pali Ena.” Eico, Mose aali mu mwene Ena, nafimbwa, ngo Muntu. Ifwe tulesanga ukuti Yehovah uwamu Cipangano ca Kale aali ni Yesu wa Cipangano Cipyaa.

³⁵ Kabili—kabili Dr. Scofield pano, ifwe tulesanga ukuti, ishiwi lyakwe, lilecinja ukufuma ku “mibele.” Ifwe tulesanga ishiwi *en morphe*, mu ci Greeki, ico icilepilibula “uyu ushimonwa alengelwe ukumoneka.” Icintu cimo ico ici shinga...Ifwe natwishiba ukuti cena epo cili. Cena kuti caba...tekuti cimoneke, lelo libe ifwe natwishiba ukuti cena epo cili palya. Kabili lintu Acinjishe imibele Yakwe, iya bu *en morphe*, ico icilepilibula ukuti Acinjishe ukufuma mumaka yakalamba ukuya ku cifyalilwa.

³⁶ Kabili Acinjishefye icifimbo Cakwe, mu nshila imbi, cena cili ngo bwangalo. Ena aleangala. Kabili mucu Greeki, lintu bena bacinja ififimbo fyabo, limbi mu bwangalo bumo-...kangala umo kuti limbi na angala mu fipandwa ifingi ifyalekana lekana.

³⁷ Kabili no mwana wandi umwanakashi, uyo uuli namuno, bena elyo bakwete pe sukulu lyabo ili kalamba, u—ubwangalo. Kabili no mulumendo umo untu Ine naishiba, nao angele ifiputulwa fine, lelo aleya kunuma ya pakwangalila nokucinja ici—ici fimbo cakwe, pakuti engafuma, ukwisa pashanya umuntu umbi.

³⁸ Nomba, ngakuti mwabula ubusesemo bwa mu Cipangano Cakale ukulola kucu Messiya aali no kuba, imwe kuti mwa cipashanya cena pamo no mweo wakwa Yesu, kabili imwe kuti mwakwata cena bwino bwino untu Yesu aali. Talifye umuntu yawe yawe. Aali ni Lesa, *en morphe*. Acinjishe ukufuma—ukufuma mu maka ayakalamba ukuya mu mibele ya cifyalilwa iya Muntu. Libe, Ena aali ni Lesa, uwasokolweke mu mubili, uwa fimbilwe no muntu, icifimbo ca mubili wa muntu.

Kabili imwe lolesheni mu Cipangano ca Kale.

³⁹ Ine—Ine—Ine ninjishiba ukuti Ndelanda ku bantu aba cintobentobe, muno bushiku, ukufuma ku ncende ishalekana lekana mwi sonde. Kabili tuli pano ifwe ukufwailisha ukwishiba. Finshi ifyo ifwe—finshi ifyo ifwe tulecita? Finshi—finshi ifwe twaba? Nikwisa uko ifwe tuleya? Finshi filecitika? Finshi ifyo ifi fyonse filepilibula?

⁴⁰ Kabili nomba ifwe tulesanga, muno pano, ukuti, abanono aba Yuda abaume nabanakashi, naba kafundisha mwi—mwi—mwi tempele, mu nshiku ishapatapo, nga cakuti bali mwene muli Baibele, ubusesemo, mucifulo ca ntambi, bena nga bali mwishibe untu Yesu aali. Bena nga tabamwitile Ena ukuti Mukalamba wa Fiwa. Bena noku mutanika nga taba mutanike Ena. Lelo, ico efyo cali no ku bomba. Ico lubali lwa cangalo. Kabili ba balengele ukupofula, pali uyu mulandu.

⁴¹ Cena cili kwati nimwe mwe baume, abanakashi, pano munshita ino iyabushiku, limbi abo tulingene nabo imyaka nangu abakulilepo imyaka panono. Imwe muleibukisha, muno mu America, imyaka yapitapo, kunuma...Ama Chinese... Munyinane, untu nacilangisha fye pano, ico cacisafye mu mano

yandi lintu Ine nacilalanda kuli ena. Ifyo bena balecita... Bena taba lelanda Icisungu, kabili bena—bena bakwete umwa kuwashisha ifyakufwala. Kabili iwe nga waya ukwakuwashisha ifyakufwala ku mwakwe, pakuku washisha ifyakufwala. Ulya—ulya umu Chinese umwine alebula icishibilo, kabili nokulepulako kuli cena mu musango umo. Iwe wasendako icipandwa cimo ica cishibilo; ena nao asendako icipandwa cimbi. Lelo lintu waisa bwela mu kusenda ifintu fyobe, ifyo ifilundwa fibili fifwile fya ampana bwino. Kabili nga cakuti fyakana ukwampana bwino bwino. . . Iwe teti ucipashanye cena mu musango uuli onse, pantu ena alekwata ici pandwa cimo kabili naiwe cimbi. Kabili nga cakuti fyapalana. . . Ninshi naukwata insambu shaku landa ukuti cobe. Kabili nombwa wa pelwa icintu cobe, lintu wakwata ulubali lwa cakumfwaninapo.

⁴² Eico efyo ico cena cili, muno bushiku, lintu twakwata ulubali ulwa cakumfwaninapo. Ilyo, Lesa alepwile u Mwana Wakwe mu fipandwa fibili, pa Kalbale, ukubula uku upela Ilambo, kabili no kutuma u Mupashi ukwisa kuli ifwe, uyo pa nshita imo uwaikele mu Muntu, Yesu. Ulya wine Lesa umo wine aali mu cifimbo munshita ino iyabushiku, mu mibele ya Mupashi wa Mushilo. Filya ifipandwa fibili fifwile fyali ngana capamo, ninshi iwe waba ulubali lwa cakumfwaninapo. Lesa acitile ici, ukuti cingaba icaishibikwa bwino ku muntu, lintu Ena Umwine eka apangile Umuntu.

⁴³ Nalebelenga ilyashi lyakale, imyaka iingi yapitapo. Kabili muli ili lyashi, cena casoselwe ukuti imfumu ikalamba iyacindikwa. . . Nalaba ishina lyaiko, nombwa line. Nsha cilatontokanya palwa kulanda pali ili lyashi. Lyena, limbi lyakutunganya, lelo lyena lile tutungulula ifwe ku cikomo ukutupela ifwe icakutampilako paco tulefwaya ukulanda. Iyi mfumu yena yali iya cindikwa, kabili iya temwa apakalamba abantu baiko, mpaka, ubushiku bumo, ku cinso ca—ca kapaso waiko na balupwa lwaiko, yena yatiile, “Ileelo, mwalamona pamuku wakushalikisha, pa myaka iingi.”

⁴⁴ Kabili kapaso wakwe na bacishinka bakwe batiile kuli ena, “Mwe mfumu isuma, mulandu nshi imwe mwalandila ifyo? Bushe mwalaya ku calo cakutali, ku ncende kumo, kabili nokuba umweni?”

⁴⁵ Ena atiile, “Iyo. Ndinokwikala muno mwine. Cisuma,” atiile, “Ndeya pakati ka bantu bandi. Ndeya mukuba fye umwikala calo uwapanshi. Ndeya mu kutema ifimuti pamo na batema ifimuti. Ndeya mu—mu kulima umushili pamo nabalima. Ndeya mukuputulako imyangashi pamo nabaputula imyanganshi. Ndeya mu kuba umo pali bena, pakuti ningaba uwaishiba bwino fintu bena ba bomba. Kabili Nali batemwa bonse. Kabili Ndefwaya ukuba uwaishibana pamo na bena ukucilapo, palwandi. Bena tabali no kunjishiba. Lelo, libe, Ndefwaya fye ukwishibana pamo nabena, muli uyo musango.”

46 Kabili mu lucelo lwakonkelepo, lintu abeni bakwe, na bonse abantu bakwe tabala mumona ena, nangu bonse abali kwisano, afulile icilongwe cakwe nokucibika apakwikala, pa cipuna camfumu; kabili nokufumyako umwingila wakwe, no kufwala ifya kufwala fya mwikala calo umupina, nokufuma nokwendela pamo na bantu yawe yawe.

Nomba, muli ilyo lyashi linono, ifwe nomba twaishiba palwa kwa Lesa.

47 Bena batile ku mfumu, batile, “We mfumu, ifwe tulekufwaya. Ifwe twalikutemwa iwe. Tu—tu lefwaya iwe ubelelele mfumu.” Lelo ena alefwaya ukuba umo pakati kabo, pakuti ena abeshibe bwino, ukutula nabo ba mwishiba bwino ena, icine cine untu ena aba. Cena kuti calangisha kuli bena untu icine cine aba.

48 Kabili ifyo eflyo Lesa acitile. Ena—Ena aali icinjishe palwakwe Umwine, ukufuma kukuba Yehovah Lesa, nokusanguka ukuba umo pakati kesu, ukuti Ena engacula, Ena kuti asonda imfwa, Ena kuti aishiba ifyo ulubola lwa mfwa lwaba, kabili nokusenda ukukandwa kwa mfwa pali Ena umwine eka. Ena abikile lubali icilongwe Cakwe—Cakwe kabili no mwingila Wakwe, kabili no kuba umo pakati kesu. Ena asambile amakasa pamo na—pamo na—basulwa. Ena aikele mu matenti, pamo na balanda. Alelala mu—mu mpanga kabili na mu misebo, pamo na bonse aba shakwete apakuma ukuboko. Aishileba umo pakati kesu, ukuti Engatwishiba ifwe bwino, kabili ukuti naifwe twingamwishiba Ena bwino.

49 Nomba, Ndetontontokanya, muli ico, ifwe twasanga ukuti, ukucinja, Umwine eka, cintu Ena acitile. Nga kuti imwe mwamona, Ena aishile mwishina lya bana batatu. Ena aishile mwishina lya Mwana wa muntu, kabili Umwana wakwa Lesa, kabili Umwana wakwa Davidi. Ena aishile ngo Mwana wa muntu.

50 Nomba, muli Esekele 2:3, Yehoba, Ena Umwine eka, atiile Esekele, kasesema, “umwana wa muntu.”

51 *Umwana wa muntu* cilepilibula “kasesema.” Ena aishile muli iyo nshila, ukufikilisha Amalango 18:15, ico Mose atile, “Shikulu Lesa obe akemya pakati kenu kasesema uwa palana na ine.” Ena tatalile aita Umwine ukuti Umwana wakwa Lesa. Ena alesontelela ku Mwine ukuti, “Umwana wa muntu,” pantu Ena aishile umwabela Amalembo. Mwamona? Ena ali nokupanga filya ifipandwa fibili ifya mapepela yaputulwa, ubusesemo bwamu Cipangano Cakale kabili ne mibele Yakwe Umwine, ukuba ifyalingana cimo cine. Eico, Ena aishile, Umwana wa muntu, ukwishila muli iyo mibele.

52 Nomba ifwe tulesanga, panuma ya mfwa Yakwe, ukushikwa, no kwima ku bafwa, Ena aishile pa Bushiku bwa Pentecost, ngo Mwana wakwa Lesa; Lesa, Mupashi, mumibele, Mupashi

wa Mushilo. Cinshi cintu Ena alecita? Ena aleicinja Umwine eka, ukuipanga Umwine eka ukwishibikwa ku bantu Bakwe mu musango uwaibelako. Kwati, ni Mupashi wa Mushilo, uyo uwaba ni Lesa, Ena aishile mukubombela ukupitila mu nkulo shama chalichi, ngo Mwana wakwa Lesa, Mupashi wa Mushilo.

⁵³ Lelo, mu Myaka ikana limo, Ena akesa nga Mwana Davidi, ukwisa ikala pa cipuna cakwa Davidi, Imfumu. Ena akasenda icipuna cakwa Davidi. Ena ninshi aali pa cipuna cakwa Wishi nomba. Kabili nomba Atiile, “Ena uyo uwacimfya akekala pamo na Ine pa cipuna Candi, nga fintu Ine nacimfya kabili ukwikala pa cipuna Cakwa Taata.” Eico, Ena, mu Myaka ikana limo, Ena akaba Umwana wakwa Davidi. Cinshi ico cena? Lesa umo wine, inshita shonse, ukulacinja icifimbo Cakwe—Cakwe icakucinga pamenso.

Ine naba, ku mukashi wandi, umulume.

⁵⁴ Bushe namu lolesha? Umwanakashi waku Folonika atiile, “Iwe Mwana wakwa Davidi, kwata uluse.” Ena, tacamusakamike no kumusakamika Ena, nakalya. Ena takwete insambu isha ku mwita Ena ico. Ena takwete nefyakulandapo pali Ena nga Mwana Davidi. Ena ali. . .Ena Mwana wakwa Davidi, kuba Yuda. Kabili nomba Ena aisa. . .Lelo lintu ena amwitiile Ena, “Shikulu,” Ena aali ni Shikulu wakwe, nomba ena apokele cintu aipwishe.

Nomba, nga, Ena aleicinja fye Ena umwine eka.

⁵⁵ Nomba, mu ng’anda yandi, Ine naba umuntu patatu uwaibela. Mulya mung’anda yandi, umukashi wandi anjita ine ngo umulume. Umwana wandi umwanakashi kulya kumbi, ena takwatapo ifya kulandapo pali ine ngo mulume wakwe; Ine ndi wishi wakwe. Kabili no munono umwishikulu palya, Ine ndi wishi kuluwakwe, eico ena takwata insambu isha ku njita ine taata. Ine nshili wishi. Umwana wandi umwaume e wishi. Ine ndi wishikulu wakwe. Lelo Ine ncilifye umuntu umo wine.

⁵⁶ Kabili Lesa, fintu Ena acita, Ena acinjafye Umwine eka, ukulingana na ilya ine inkulo, no ku ilenga Umwine eka ukwishibikwa kulibalya bantu. Kabili ifyo eflyo ifwe tubelele pano ukuti twingeshiba, munshita ino iya bushiku. Ni mu shila nshi iyo Lesa afwile ukwishibikilwamo Ena eka ku bantu aba kabili mu nshita ine iyi? Ena alacinja icifimbo ca kumenso Cakwe, Ena acinja imicitile Yakwe, lelo tacinja imibele Yakwe. Ena tacinja Icakwe—Icakwe icifyalilwa. Ena acinjafye icifimbo ca kumenso Cakwe, ukufuma kuli cimo ukuya naku cinankwe. Ena alacita ico, ku kuisokolola Ena umwine eka pa mbili bili ukucilapo ku bantu, ukuti bena bengeshiba untu Ena aba, kabili nafintu Ena aba.

⁵⁷ Mu ba Hebere 1, ifwe tubelenga, “Lesa, mu nshita isha kale na misango iyapusana alandile kuli ba shifwe, ukupitila muli

ba kasesema, lelo muli shino nshiku shakulekelesha alandile mu Mwana Wakwe, Yesu.”

⁵⁸ Nomba, “Ba kasesema,” Yesu atiile, lintu Ena aali pano pesonde, “bena bali ba lesa. Imwe mwita bena ‘ba lesa,’ abo i Cebo cakwa Lesa caishileko. Kabili na Malembo teti yatobeke,” Ena atiile. Atiile, “Ifyo imwe mwingamuseka Ena nomba, lintu Ena aba Umwana wakwa Lesa?” Mwamona?

⁵⁹ I Cebo cakwa Lesa calyakanishiwa kuli cila nkulo, ifyo Cena cifwile ukuba. Kabili Yesu ewali icakufikilisha ca busesemo bonse. “Muli Ena emwaikela umwisulo wa bu Lesa bonse ku mubili.” Bwena bwali muli Ena. Ena e Umo uwali muli Yosefu. Ena e Umo Uwali muli Eliya. Ena e Umo Uwali muli Mose. Ena e Umo Uwali muli Davidi, imfumu iya kenwe.

⁶⁰ Abantu Bakwe eba mukene ena, nge mfumu. Kabili ilyo ena alefuma pa—pa lukungu lwa ng’anda, umunono, umuntu uwalunugulushiwa uwa leamfula aleshinguluka, ta temenwe ubuteko bwakwe—bwakwe, imitantikile ya fintu fyakwe, kabili ena afwishile pali ena. Kabili na kapaso afumishe ulupanga lwakwe, atiile, “Bushe Ine kuti nasha umutwe wailya mbwa pali ena, ukulafwishila pa mfumu yandi?”

⁶¹ Kabili Davidi, limbi mukukana iluka ico ena alecita pali ilya nshita, lelo ena aali uwasubwa. Kabili ena atiile, “Mulekeni ena abe. Lesa namweba ena ukucita ici.” Kabili ena aninine pa lupili kabili no kulilila Yerusalemu, imfumu iya kanwa.

⁶² Bushe imwe mwacilolesha? Imyaka imyanda inono ukufuma palya, Umwana wakwa Davidi ukufwishilwa amate, mu misebo, kabili aali pa culu, ulupili lumo lwine, nakontama alelolesha pali Yerusalemu, Imfumu iya kanwa. Kabili nokulila, “Yerusalemu, miku inga Ine nakukutile nga fintu na nkoko asunga abana bakwe, lelo iwe walikene!”

⁶³ Ena tatalile acinja icifyalilwa Cakwe, pantu aba Hebere 13:8 yasosa ukuti, “Ena aba cimo cine mailo, ileelo, kabili no muyayaya.” Lesa apangilwe umubili, pakuti engafwa, kukulubula ifwe ukufuma ku lubembu. Uyo emulandu Ena acinjishe Ena Umwine eka, ukuba u—u Muntu.

⁶⁴ Ifwe tulemona, mu Washila Yohane 12:20 aba Greeki balyumfwile palwa Ena. Nomba, takwaba umuntu uyo uwingomfwa kuli Ena kano imitima yabo yaba iyafwaisha ukumumona Ena. Nga Yobo naba kasesema bakale, bena bonse balefwaya ukumumona Ena. Eico, uyu umu Greeki aishile muku mumona Ena. Bena baishile kuli Filipi, uyo uwali waku Bethsaida, atiile, “Mukwai, ifwe tulefwaya ukumumona Yesu.”

⁶⁵ Aba Greeki balefwaya ukumumona Ena, lelo balifililwe bena ukumumona Ena pantu Ena aali mwitempele lya buntunse Bwakwe. “Lesa aali muli Kristu, alewikisha isonde ku Mwine eka.” Nomba tulesanga ukuti, muli ici, aba Greeki balefililwe ukumumona Ena.

⁶⁶ Kabili lolesheni amashiwi yamo yene yantu Yesu alandile kuli bena, panuma. Ena atiile, “Kano ulubuto lwa ng’ano lwa ponena mu mushili, nokufwa, lwena liba lyeka.” Munshila imbi, bena tabali no kumumona Ena ukuti na cinja, mu cifimbo ku menso cintu Ena alimo liya, pantu Ena aali mucifimbo ca mubili wa buntu nse. Lelo lintu ulu ulubuto lwa Ng’ano lwapoenene mu mushili, elyo nomba Lwena lungaleta imitundu yonse. Ena atuminwe kuba Yuda, ifyo fine, pali ilya nshita. Lelo ulu ulubuto lwa Ng’ano lufwile lwapona; uwafimbwa Lesa, mu mubili wa buntunse, uwafiswa ukufuma kuba shacetekela, lelo ukuba uwasokololwa kuba cetekela.

⁶⁷ Muli Yohane 1, “Mukutendeka kwali Cebo, kabili Cebo aali pamo na Lesa, kabili i Cebo cali ni Lesa. Kabili ne Cebo capangilwe umubili, kabili caikele pamo naifwe, kabili ifwe twali mumwene Ena, uwafyelwefye eka kuli Wishi, uwaisulamo uluse.” Nomba, mukutendeka kwali i Cebo. I Cebo litontonkanyo ilya soswa.

⁶⁸ Mukutendeka, Ena tali na Lesa. Nomba, ishiwi lyesu ilya mu Cingeleshi ileelo, *Lesa*, cilepilibula “icintu icipepwa.” Ifyo cena caba icakufulunganya ku mano. Iwe kuti walenga umo ukuba lesa. Iwe kuti wapanga conse ukuba lesa.

⁶⁹ Lelo mu Cipangano Cakale, mu Kutendeka 1, “Mu kutendeka *Lesa*,” ishiwi lya bomfeshiwa, Elohim. *Elohim* cilepilibula “uyo uwabapo-palwakwe Umwine.” Webulekano ishiwi lya Elohim lyaba, kwi shiwi lyesu Lesa. *Elohim* cilepilibula “uyo uwabapo-palwakwe Umwine.”

⁷⁰ Ifwe teti tubeko-pa lwesu. Ifwe teti tube abamaka yonse, abaitungulula abene, abasangwapo konse, abaipanda amano pa lwesu. Ulya Elohim eulangisha fyonse ifyo. Ifwe teti tube ifyo. Icimuti ico iwe upangako ka lesa, nangu ici—nangu ici kulwa, cena tacabapo palwa-ciko.

⁷¹ Eico, Lesa, mukutendeka, aali Umweo, Umo uwa Muyayaya. Muli Ena mwali imibele, kabili na yonse imibele yasangwike i Fyebo, kabili i Cebo casangwike umubili. Yesu ewali Kalubula. Kabili no *kulubula*, cilepilibula, “ukubwasha.” Nga Ena ali no kubwasha ici, uko kufwile kwaba kumo uko cifwile cabwelela. Eico, mwamona, abantu bonse teti bacimone cena, pantu abantu bonse tabali mukutendeka mu matontonkanyo yakwa Lesa. Mwamona?

⁷² Lolesheni pali ba shimapepo. Lintu bena bamumona Ena alelondolola pa Lwakwe bwino bwino pamo ne Cebo, ifyo Ena aali, bena batiile, “Ena Mukalamba wa Fiwa.” Ico calangishe ukwali icifyaliwa cabo. Cena cali mu matontonkanyo yanya aya pa nshita.

⁷³ Lelo lintu cilende munono, lintu Ena amukumenye pa mpongolo, kabili noku mweba ena, calondolwele icishibilo cabu messiah Bwakwe, paku mweba cintu ena acitile. “Mulandu

nshi,” ena atiile, “Mukwai, Ine nailuka ukuti Imwe muli Kasesema. Ifwe twalishiba ukuti lintu Messiah Ena akesa, Ena akatweba fyonse ifi fintu.” Ena alemwishiba Ena nga Messiah, uyo Umo uwasubwa, pantu Ena alingene ne fwalefwaikwa ifya mu Malembo. Bushe tamulemona? [Ulukuta lwatila, “Ameni.”—Kale.] Ifipandwa fibili ifya mapepala fyale ampama capamo. Ena, “Ifwe twalishiba ukuti, ilyo Messiah akesa.”

⁷⁴ Nomba, Lesa limbi ali sankenyepo imbuto *ishi* na *shilya*, paku kwata kulya kulila kwa mbelu, nga kabumba. Lelo lintu Yesu apilibwike, atiile, “Ine nine Ena neulelanda pamo nobe,” takwali ukulanda kwaifyo nga “Iciwa cikalamba.” Ena ashile umutondo wakwe, no kubutukila mu musumba, kabili nokutula, “Iseni, mumone Umuntu Uyo unjebele ine fintu Ine na cita. Bushe Uyu teulya wine Messiah?” Mwamona?

⁷⁵ Nomba, cinshi cacitile ici? Ukubika Amalembo yakale pamo no kwishiba uko—uko Yesu alepela kuli ena, cinshi ici cacitile? Cena capangile Messiah. Kabili bushe mwalolesha? Mukwangufyanya, imembu shakwe shalielelwa, pantu, kukutendeka, ena aali uwinga lubulwa, pantu ena aali mu matontonkanyo yakwa Lesa kukutendeka. Eico, cena calimulubwile ena, nangu uku mubwesa ena, lintu ena amwene ayasoselwe Amalembo yalangishiwa, ayakwa Yehovah, fintu Ena aali, kabili nafintu Ena aba.

⁷⁶ Nomba, lintu Yesu aishile, nga Ena aishile ne mbila ya kwa Noah, cena ngata cabombele. Ukupanga ubwato, nokulaelela, cena ngata cabombele. Lelo ulya Noah aali icakaniko cakwa Lesa. Ena abombele mu nshila iyaibela pantu aali uwaibela, kabili ne mbila yakwe yali iyabela pantu cali Cebo ica le langishiwa.

⁷⁷ Ena taishile ne mbila yakwa Mose, pantu nga tayabombele. Mose aali ni Lesa, mu cakaniko, ico icalangishiwe. Ena aali i cebo ica londolelwe pali ilya nshita, lelo Yesu teti ese muli ico. Baibele tayatalile aisosa ukuti Ena aali nokwishila muli ilya nshila.

⁷⁸ Lelo lintu Ena aishile, icalondolelwe bwino bwino nga—nga fintu Icipangano calandile ukuti efyo Ena aali nokusoselwa, nomba bonse abo abali abengalubulwa bena balicicetekele Ici, pantu bena ebali amatontonkanyo yakwa Lesa. Imibele Yakwe ku kutendeka, yaishilesanguka umubili, kabili iingalubulwa, kabili yabweseshiwe kuli Lesa. “Bonse abo abamupokelele Ena, kuli bena apele Ena amaka ayakwitwa abana bakwa Lesa,” pantu bena bali abenagalubulwa. Bena bafumine ku kutendeka, mukulodololwa.

⁷⁹ Nga ifwe kuti twaimininako panono pakashita akanono, ngakuti ico cinga citwa, kabili noku tontonkanya pali ico, munshita ino iyabushiku, palwa Mbila ya nshita, amatontonkanyo yakwa Yehovah aya londololwa. “Ilyo

umufula we sonde taulabako,” ifwe balitweba, “amashina yesu yalilembelwe mwi Buuku lya Mwana wa Mpanga ilya Mweo.” Nomba ifwe kuti twamona imbali shonse shibili, nga fintu Ine mukubalilapo nacisosa, umulandu ico cimo cabelapo icaibela pa cibiye. Ici cifwile ukuba muli iyo nshila. Ici caba lyonse. Ici lyonse cifwile ukuba muli iyo nshila, kabili lyonse cili nokulaba muli iyo ine nshila. “Ena aali i Cebo. Kabili ne Cebo calengelwe umubili nokwikala pakati kesu.”

⁸⁰ Nomba, Lesa, mu...ukubwelela mu nshiku shamu Cipangano Cakale, ifwe tulesanga ukuti panuma Ena amonekele ku bantu Bakwe, mu mibeke iyapusana pusana, Ena aifimbile Umwine eka kunuma ya mikupo yatu badger iyakale. Lesa ukufisama kunuma ya mukupo yatu nama tuma badger, pa cipuna Cakwe ica luse. Ifwe tulesanga ukuti, ifyo Solomoni, ilyo ena aile nokulashika itempele lyakwa Shikulu, kabili neyi imikupo ya tuma badger yakobeme palya, icifimbo, ifyo Ena aishilemo nge Ntumba ya Mulilo kabili nge Kumbi, kabili aile ku numa kulya, kabili nokuifimba Umwine, kwi sonde lya kunse. Lelo, ukupitila mu cicetekelo, Israeli alishibe ukuti Ena aali kunuma kulya. Bena balishibe ukuti Ena aali mulya, te mulandu nefyo isonde lya basenshi lyalelanda. Ena alifishilwe kuba shactekela. Lelo uwacetekela, ukupitila mucicetekelo, alishibe ukuti Ena ali mulya mwine. Bena balikwete uluse. Kabili Ena aali pa cipuna Cakwe ica luse, ico icali icankama icikalamba.

⁸¹ Namwishiba, mu Cipangano Cakale, ukwingila ku numa ya mikupo ilya yali ni mfwa. Nomba ukwikala ukufumako ku numa kwa ici ni mfwa. Ilya nshita ukwingila ku Bukata Bwakwe cali ni mfwa. Nomba ukwikala ukufuma ku Bukata Bwakwe ni mfwa. Ico calecitika, ifyo fine, pakulepuka kwa cifimbo ku Kalbale, ilyo icifimbo calepwilwe, icifimbo cakale. Nomba ukwikala kunse ya Mukubapo Kwakwe ni mfwa. Ilya nshita ukwingila Mukubapo Kwakwe cali ni mfwa. Mwamona? Cena cila cinja kuntanshi naku numa, kabili imwe mufwile mwafwaya Amelembo ukumona ubushiku buntu ifwe tuleikalilamo.

⁸² Nomba, ilyo icifimbo calepwilwe pa Kalbale, icipuna caluse cashele pambilibili. (Lelo cinshi cacitike? Cena cakobeme pa Kalbale, ciletonya Umulopa.) Nga fintu balebula umulopa, umwaka no mwaka, paku wanmya umwa shila kabili nokusansa pa cipuna icaluse, palya, Lesa, pamo namaka Yakwe aya kalamba aya kubyasha kwa maka, kwalepwile pakati icifimbo ca mikupo ya tunama twama badger ukufuma pamulu ukufika na pe samba, kabili ne cipuna caluse cashele pambilibili.

⁸³ Iituntulu, iyakubalilapo i Mpanga yakwa Lesa yakobeme pa mbilibili pa Kalbale, icacine Icipuna ca Luse, ilyo Lesa alipile umutengo, Umwine palwakwe; kabili nokuba umo pakati kesu, kabili alangishiwe Umwine palwakwe ngo Muntu, ukuba uwaishibana pamo na ifwe, kabili naifwe ukuba abaishibana

pamo na Ena. Icipuna ca Luse cali pambilibili pali Israeli onse pali bulya bushiku bwa Cikonsolwelo.

⁸⁴ Lelo, kucakupapusha, intambi sha mu chalichi ishaba shibo pali bulya bushiku shali, mu ntambi shabo, shali fimbile icacishinka Icipuna ca Luse ukufuma ku bantu. Nga cakuti bena balishibe Amalembo, cila cipandwa nga caikatene nge cishibilo cama Chinese. Ubusesemo bwa Cipangano Cakale nga bwali fikilishiwe, kabili ifi eflyo cali. Kabili ngacakuti bali fundishiwe Amalembo, bena nga balimwene Icipuna ca Luse. “Nga fintu Mose,” atiile pano, ukuti, “ukufika buno bushiku fyena fyalifimbwapo. Cena cicili mulya mu mitima yabo.” Bena taba cimona Ici.

⁸⁵ Lelo, Ena aali ni Lesa, ukucula ne Cikonsolwelo. Ena ewali icine cine Icipuna ica Luse ukwiminina pa mbilimbili. Ngeflyo twa cimba ulwimbo:

Yangu, mumoneni Ena pa mbilimbili.
Ulya Ena ali palya, Kacimfya wa maka,
Apo Ena alepwile icifimbo muli fibili.

⁸⁶ Mwamona, Ena aishile, Icipuna ca Luse, uwakobeme pa mbilimbili ya lukuta. Lelo bena, ukuba pe samba lya matontonkanyo ya bantu abengi. . .

⁸⁷ Nomba, mwe baume na banakashi, na beshile kuli uno musonkano, Ine ndefwaya ukulanda ici ukwabula uku cindika umuntu nangu umo. Lelo, mukumona kwa fintu ifyo fili ileelo, mukumona pafyo ifwe tubelele pano ileelo, Ine ndetina icakuti intambi shaba taata, bashibo ba muma chalichi, bena balifisa Ici ku bantu abengi. Apo Mupashi wa Mushilo aishila muli shino nshiku shakulekelesha, nga fintu casesemwe, kabili ne cifimbo calilepuka, bafulisha abantu abesha ukwikatilila ku ntambi sha bafyashi abaume. Kabili emulandu wine bena teti bamwene uku ukusangalala ukwacilamo, kabili no mutende, kabili ne fintu i Chalichi cakwata ileelo. Cibe, Ici cabafye pa mbilimbili kuli bonse abo aba cetekela.

Ena afishile i Cebo, icalaiwa i Cebo ica buno bushiku.

⁸⁸ Nomba, intambi shali panga icifimbo. Bena balanda ukuti inshiku sha fisungusho shalipita. Umuntu umo alandile kuli ine, umusuma, njimucindikwa wa mibelesuma wa Tucson, Arizona, umuntu Ine njikala. Ine nalikwete imitingi pa Ramada. Kabili ifwe twale shimikila pa Musonkano wa Bashimakwebo Aabaume apo Shikulu Yesu aishile sangwa nokucita ifintu ifikalamba. Kabili uyu shimu cindikwa umwina Kristu aishile kuli ine, kabili ena atiile. . . Ni kapyunga wa mu chalichi, umuntu umusuma, kabili ena atiile, “Munyina Branham, iwe uleesha ukulangisha ku bantu inkulo yabatumwa,” ena atiile, “kabili lintu inkulo yabatumwa yalipwa.”

⁸⁹ Kabili Ine natiile, “Ine ndekupapata, munyinane, nangisha lintu inkulo ya batumwa yapwile, mu Malembo.” Ine natiile,

“Inkulo yabatunwa yatampile pa Bushiku bwa Pentecosti, kabili bwena tabwatala...Petelo atiile, pa Bushiku bwa Pentecosti, ‘Ubulayo nikuli imwe, kabili nakubana benu, nakuli bonse abo ababa akatala mukila, nakuli bonse abengi abo Shikulu Lesa acili aketa.’ Ni nshita nshi yena yapwile? Nga cakuti Lesa acili aleita, nomba ninshi inkulo yabatunmwa yena ninshi ilecitika munshita.”

⁹⁰ Kabili apo pene abantu besha ukufimba pamenso abantu abengi nganshi, ne ntambi sha fikolwe fyabo, nga fintu cena nomba cali. Kabili kuti wafilwa no kumona umulandu ico abantuabela abansansa kabili nokuba abacankwa. Kabili—kabili iyi imisonkano yaba iyaibela ngefyo, icintu caba iceni, ku bantu bambi, nico icakuti pantu bene balamona ukuti balipula ukupita muli filya ificinga. Bena ba lilepwile ukupita muli filya fifimbo, nokuya Mukubapo kwakwa Lesa, umo bena bamona ubulayo bwa langishiwa ubwalaiwa ubwaino nshita ukuba icalangishiwa ku bantu. Bena balamona ico Lesa alaya.

⁹¹ Muli Yoeli 2:28, Ena alaile, ukuti, “Muli shino nshiku shakulekelesha muli nokuba imfula iyakushalikisha iikesa *ikaponena* pa bantu, mu nshiku shakulekelesha.” Ine ndetontonkanya shiwi iyaci Greeki nii *kenos*, ico icilepilibula ukutila Ena “aitulwile” Umwine eka ukifumya. Te musango untu ifwe twinga landilamo ukuti, kwati nge cintu cimo cili mukati kamuntu umu, ico Ena aitulula kunse. Lelo, Ena aitulwile Umwine eka kunse.

⁹² Ena acinjishe; bu *en morphe* Bwakwe. Ena—Ena alicinjishe, ukufuma kuli fintu Ena aali, ku fyo Ena aali. Ena tacinja icifyalilwa Cakwe. Lelo pa Bushiku bwa Pentecosti, Ena aicinjishe Umwine eka ukufuma mukuba Umwana wa muntu, ukuya mu Mwana wa kwa Lesa. Ena taishile, pamo *na* bantu. Ena aishile ingila *mu* bantu, mwamona, Lesa umu wine, ukusenda ubupyungishi Bwakwe ukutwalilila, muli ino nkulo ikalamba.

⁹³ Ena aseseme muli Baibele, ukuti, “Kukesa ubushiku ubo ubushakabe akasuba nangu ubushiku, lelo munshita ya cungulo kasuba kukaba Ulubuuto.” Nomba, akasuba, ukukonka fye ne fintu ifyo fyapangwa, katulila ku kabanga no kuwila ku mboshi. Kasuba kamo kene, inshita shonse. Nomba, lintu, Umwana, U-m-w-a-n-a, uyo uwa isokololwele Umwine eka mukuisokolola kwa Cebo icalaiwe, kuli Israeli, abantu baku Kabanga.

⁹⁴ Ifwe twali kwata ubushiku bwa bulanda. Ifwe twalikwata ulubuuto ulwafikapo muli ba kacinja, ne fyaba ngefyo, ukupanga ama chalichi ne filonganino, no kwampana pamo na bena nokwisamo mukati; nokula tomona utunya, nokula ufya abakalamba, nokula shika abafwa, ne fyaba ngefyo; no kwikala mu chalichi.

⁹⁵ Lelo, munshita yacungulo kasuba, “Kwena kukaba Ulubuuto,” Ena atiile, “munshita yacungulo kasuba.” Kabili tapali Ilembo nangu limo ilinga tobwa. Kabili no M-w-a-n-a umo wine uyo uwa itulwile Ummwine eka, *kenos*, pa Bushiku bwa Pentecosti, alaile ukucita icintu cimo cine munshita ya cungulo kasuba. Mwamona? Ici cibela umwabela ubulayo.

⁹⁶ Biken i icishibilo capamo. Lolesheni kuli ico cilecitika, kabili lolesheni paco Ena alaile, nomba mwalamona pantu ifwe tuli. Biken i ico cintu capamo. Imwe kuti mwamona ukuisokolola kwa uyu umukalamba Umo uwamaka. Intambi shali pofwisha abantu, kabili, kuli ifi fintu fikalamba ifyo ifilesesemwa.

⁹⁷ Mose, lintu afumine ku lupili, ulo ulwali pa Mulilo, we busuma bwa cilangililo!

⁹⁸ Mose aile kulya ku Egypto nokweba ba shibo bamu chalichi ukutila Shikulu Lesa amukumenye mwi Shina Iya “INE NABA.” Lilya Ishina ni nshita ilipo; te “Ine nali; ndi nokuba.” Lelo, “INE NABA,” lyonse cimo cine, uwaba cimo cine mailo, ileelo, kabili no muyayaya. Ena ali mu nshita ilipo nomba line. Ena . . . Ico cilepalanishiwa naba Hebere 13:8, “Yesu Kristu cimo cine mailo, ileelo, kabili no muyayaya.”

⁹⁹ Cena cicilifye icalaiwa i Cebo. Kabili, ulukuta, lulya ulwali no kwampana pamo ne Cebo, ifyakupitam fya muli buno bushiku. Ba kacinja bali cikwete cena, oh, lelo buno bushiku nabo ni bumbi. Moneni ubushiku buntu ifwe tuleikalilamo. Pamofye ngefyo Ena taishile, munshiku isho aishilemo Ena pe sonde, mu—mu nshila intu Mose aishilemo, nangu onse uwa muli ba kasesema aishilemo; cena tacasesemwe. Kabili muli shino nshiku shakulekelesha, cena casesemwa ukwishila muli iyi nshila. Cena teti cishile mu musango wakupuputulwa kwakwa Luther. Cena teti cishile mumusango wakupuputulwa kwakwa Wesley. Yena ni nshita yakubwekeshiwapo. Ninshita iyakuti cena cifwile cabwelela ku Lubuuto lwa Mwana, icakubalipo.

¹⁰⁰ Oh, ifyo fye tufwile twabikamo Amalembo umo, palwa ico! Kabili imwe bakasambilila wa bukapepa ne ficetekelo, lubali nshi ulwe sonde ulo imwe mwafumako, imwe mwalishiba ukuti Ico cacishinka. Ici bulayo. Ico ecilenga abantu ukuba abaibela nganshi. Ici ecilenga baba abantu abamibele yaibela, ifyo efyo mubeta. Nipa mulandu wakuti bena . . . ico caba . . . Icimbo calisulwa, ukufuma ku ntambi, kabili bena balacimona Ici. Ena aba cimo cine mailo, ileelo, kabili nomuyayaya. Mwamona? Ici—ici bulayo bwakwa Lesa, kabili teti tukane ico, pantu Amalembo teti yatobwe. Ee. Tulesanga ukuti Ena alaile ico. Ena aitulwile Ummwine eka mu bantu Bakwe. Kabili Aba cimo cine mailo, ileelo, kabili no muyayaya.

¹⁰¹ Mose, panuma aile kulya ku Egypto kabili nokusosa ici, nomba Wishi ashininkishe imbila yakwe, mukuya pa Lupili lwa Sinai, Muntumba imo ine iya Mulilo, kabili nokukosha ulupili pa

Mulilo. Bushe ifwe twalimwene? Umo untu Ena apele ubulayo, Ena amuletele ukwisa pamo ne Cebo. Ena alikwete ama funde. Kabili pakukwata ili ifunde, ena ali kwete. . . Amafunde yali Cebo. I Cebo ninshi tacilati ukwisa ku bantu nomba. Eico, i Cebo lyonse cisa kuli kasesema, kabili ena ewali kasesema wailya nshita.

¹⁰² Nga, fintu, Yesu aali i Cebo. Yohane aali ni kasesema. Kabili Yesu aishile kuli ena, mu menshi, pantu i Cebo lyonse cisa kuli kasesema, ukwabula ukufilwa. Mwamona? I Cebo lyonse cisa kuli ici.

¹⁰³ Eico, Mose, i Cebo caishile kuli ena, amafunde. Kabili aali yakwete yena. Nomba, mulandu nshi? Ilyo i Cebo tacilati cipelwe nokulangishiwa, Mose afimbile pa menso, pantu i Cebo cali tacilati cisokololwe. Bena balishibe ukuti icintu cimo calicitike, lelo tabaisgibe ifyo mukupwililika cena ifyo cali, ukubuluma nokubulukuta. Mpaka, bena batiile, “Lekeni Mose asose, kabili te Lesa ukusosa.”

¹⁰⁴ Kabili Lesa atiile, “Ukuba, Ine nalacita ico. Ukufuma ino nshita ukuya ku ntansi, Ine nshili nokulamoneka muli uyu musango nakabili. Ine ndi nokubatumina bena kasesema. Eico ena alinoku. . . Ine ndi nokulanda ukupitila muli kasesema Wandii.”

¹⁰⁵ Nomba, nga cakuti Moses, namafunde ya cifyalilwa, (nga fintu Paulo, mu bena Korinti wa Cibili pano, calisokololwa kuli ifwe), ena afimbile pa cinso cakwe ne cifyalilwa, nga kanshi kuti cakana ukuba shani ica Mupashi cikaba ica bukata kabili ica fimbwa ku ushacetekela ilyo tacilati cilangishiwe kuli ena! Kabili kuti caba shani icacilapo ilyo bena baita. . . Mose aali uwamibele yaibela. Kabili kuti caba icacilapo lintu bena bakwita iwe, uwalepula ukupula mucifimbo, kabili no kwingila mu Ntumba ya Mulilo, noku fuma na Mapalo! Kabili nombamba iwe walifimbwa. Abantu bena teti bacimone ici. Bena tabacikutuluka Ici.

¹⁰⁶ “Nga kuti icifyalilwa kuti caba ica bukata, nga ica maka ya cilamo kuti cakana ukuba shani icishinga londololwa! Nga cakuti icifyalilwa, ico icakwata ne mpela kuli cena, kuti caba ica bukata, pali bufi Ici icishilakwata impela kuli cena, cili nokuba ica bukata!”

¹⁰⁷ Lelo, cicili, Cena icafimbwa. Cena ta cafimbwa ku wa cetekela, lelo ku usha cetekela. Ena teti acimone Ici. Lesa lyonse alaifimba Umwine eka kuba shacetekela. Intambi shilafisa Ici. Nga fintu bena bacitile lilya, bena balacita ico ileelo.

¹⁰⁸ Cilya cali cifimbo caku mupashi ico na ifwe tukwete nombamba, apo apali icifimbo ca cifyalilwa. Fyena fya ba ifya shininkishiwa na kasesema pamo ne Cebo icalembwa, uyo usesema, umo uyo uwisa ne Cebo icalembwa, ukucilenga Ici caba pambilibili.

109 Bena balishibe ukuti i Cebo epo cali, lelo bena tabaishibe ifyo Ici calepilibula. Kabili Mose ewa cibikile Ici pambilibili. Ena atiile, “Amafunde yalanda *Ici*, kabili nomulandu calandila *ici* ni uyu.” Ena aciletele Ici pa mbilimbili. Kabili ilyo Ici tacila bikwa pa mbilimbili, Ici califimbilwepo.

110 Kabili ifyo fine eflyo caba ici ileelo, icifimbwa ku bantu, mpaka Ici casokololwa nokubikwa pambilibili ku bantu. Lesa, uwamaka yonse Lesa, ukufiswa mu mubili wa muntu, i Cebo. Lolesheni. Nomba ifwe twasanga ukuti Ici califishilwe kuba shacetekela, lelo casokolwelwe ku ba cetekela.

111 Lolesheni, Mose alingile ukwingila muli iyi Ntumba ya Mulilo, eka. Takwali nangu umo uwaile nao ena. Ici tacali. . . ici. . . Bushe ico cilelanda cinshi kuli ifwe? Ukutila imwe tamwisa muli Ici ukupitila mukwampana nebumba lya ba Pentecosti. Mwamona? Ena tatalile acisokolola Ici kwi bumba. Ena acisokolwele Ici ku muntu umo. Kabili uyo emusango cabelamo na leelo. Iwe watiila, “Ine ndi wakuli ici—ici chalichi. Ine—Ine ndi wakuli *ici*.” Lelo ico teti cibombe. Mwamona?

112 Kabili onse uwaleesha ukukonka Mose, kukupashanya ici, ni mfwa. Kabili eflyo cili ne leelo, ni mfwa yaku mupashi, ukweshwa ukupashanya. Ico eflyo cha. . .

113 Munshita ino iyabushiku, ifwe twalaingila muli ico, ukwima pakati ka mabumba, uku pashanya ifya ku mubili; umuntu umo ukweshwa ukucita nga Ici, kabili nokwikala ubwikashi ubwapusanako; kuti anwa, kuti apepa, abanakashi kuti baikala ifili fyonse. . . inshila yonse bena bengafwaya, kabili nge sonde, kabili ngo kwikala pa ng’anda nokulatamba icictunshitunshi, kabili ne fintu ifya mwisonde, kabili nokutwalilapo ukulaita abene beka ba Pentecosti. Bena baleesha ukupalanya uwakubalilapo. Cena tacatala sokololwa kuli bena, pali nomba. Ilyo Ici casokololwa, ciba ica bukata, kabili cimo icintu cisa mukufumya cilya ukufuma muli iwe ilyo iwe waenda ukwingilamo Mulya. Iwe wasanguka icifimbo. Cena. . . cena teti cibombe. Kabili ukucipashanya Ici cali ni mfwa.

114 Icfimbo cakwa Mose; ena aali ica mweo i Cebo ku bantu. Kabili ileelo, abantu abali abafimbwa ku cintu cimo cine. “Bena ninkalata shalembwa, ishibelengwa na bantu bonse.” Te nkalata *ipya*; lelo Kalata iyo iya lembwa, iya lengwa ukulangishiwa. Ni—ni abo abacetekela i Cebo kabili ubulayo bwa bushiku buno, ukuti Lesa alepongolwela Mupashi Wakwe, pa bantu bonse, kabili abali ba kalata balembwa. Kabili ilyo umuntu aesha muli bu mubili ukupashanya ico, cena cilabwelela inuma. Ummweo obe ulelanga ifyo iwe waba.

115 Inshita imo pali umulumendo, ena alisangilwe mu mulandu. Ena aali umulumendo umusuma, lelo ena—ena aile ku cilye. Kabili kapingula atile, “Ine nakusanga no mulandu. Ine

mfwile ukukukaka iwe ukuba mucifungo inshita shonse isha mweo obe.”

¹¹⁶ Ena atile, “Ine ndefwaya ukupitulukamo nemwine mu mulandu wandi.” Ena atile, “Ine ndefwaya ukuwayamo mu fyalembwa fyandi.”

¹¹⁷ Ena atile, “Iwe tawakwata ifyalembwa. Ifyobe ifilembelwe efile kusekwa iwe.”

¹¹⁸ Kabili uyo wine emusango cibebelemo ileelo, uyo emulandu ichalichi talileilako pantanshi nga fintu cifwile ukuba. Fyena fintu fyalembwa. Wena mweo. Ifwe tufwile twaba abaipelesha ukucilapo. Ifwe tufwile twacetekela conse i Cebo cakwa Lesa. Ifwe tufwile ukufwayailisha mpaka i Cebo capangwa icituntulu kuli ifwe. Mwamona? Mwamona? Ifyalembwa efitulesha ifwe ukwingila mukati.

¹¹⁹ Lelo, umuku umo, (ukuleka imwe ukufuma muli ici iciteyo), mu cilye cimo cine, umulumendo takwete indalama. Ena alifililwe ukulipila ukupwisha umulandu. Ulupiya lwakulipila lwali ulwingi mu makana na makana yama dola. Lelo ena alikwete umukalamba wakwe umwaume uwaishile nokwisa mulipililako shonse ena.

¹²⁰ Nomba, ifwe natukwata Umukalamba wesu, Yesu, Umwana wakwa Lesa. Kabili Ena aishile mukutulipililako ici ifwe, nga kuti ifwe twaciketkela ici kabili nokukwaninisha ukwingila mu cifimbo nao Ena. Nga, fintu Aba e Mose wesu. Yesu e Mose wa buno bushiku. Mose, uwafimbwa, aali ica mweo i Cebo ku bantu. Ileo, Yesu, uwafimbwa, eca mweo i Cebo ku bantu, emukuti, Yesu mu Chalichi. Umupashi wa Mushilo, Umwana wakwa Lesa mu bantu, ukusokolola i Cebo pa bulayo bwa bushiku buno, ukucipangafye Ici bwino bwino. Cimo cine nomba.

¹²¹ Kabili ibukisheni, Mose alicitile ici, kabili asokolwele ici, teku calo conse, lelo ku balefuma abantu, umusango wabantufye umo, ni balya abo abafumine mu ku- . . . mu kufuma.

¹²² Kabili ileelo, Mupashi wa Mushilo, mu finso fya bantu abatila, “Ukuposhiwa kwa Mupashi wa Mushilo takwaba ukwalungama.” Ilyo Ine naleipusha . . .

¹²³ Dokota alintumine lamya ine, ubushiku wafumineko, pali namayo umunono, oh, kwalibako ine nangu isano imilandu kulya, alambalefye mupepi namukufwa, bapelwe ba ora, kabili Mupashi wa Mushilo abaposeshe bena. Dokota aleipusha palwa ici. Ena atile, “Bushe kuti caba shani ifi? Mulandunshi,” ena atile, “Ine—Ine . . . Ulya mulwele wandi.”

¹²⁴ Ine natile, “Ici eco. Lelo nomba cali ni Lesa. Ici—ici, ici cintu Cakwe nomba.” Mwamona?

¹²⁵ Kabili eico imwe mwamona icintu ici caba, ukuti Lesa aleita ukufuma, ukufuma ku cifimbo catikama uyo uwesha ukupalanya, uyo uwesha ukuyampanya ku chalichi; te

Methodisti, Babtisiti, Presbyterian, capamo, lelo ama chalichi yaba Pentecosti. Ici cili icakucitika ica cila muntu. Niwe na Lesa. Iwe ufwiwe waingilamo mukati, te lyobe ibumba, te yobe chalichi, te obe kakumba, lelo niwe ufwiwe ukwingilamo mukati.

¹²⁶ Ine ndefwaya ukuti imwe mu loleshe nacimbi icakumoneka muli Mose, ilyo ena afumine. Libe, ukuba kasesema, ukuba umukalamba umuntu uo ena ali, ilyo ena afumine ne Cebo, abantu balimwenene ukuti ena alicinjishe. Cimo icntu calicitike kuli ena. Ilyo ena afumine ne cashininkishiwe i Cebo ca ulya ora, ama funde, ena aali uwacinjishiwa umuntu.

¹²⁷ Kabili efyo naiwe uli nokuba, ilyo iwe wafuma kunuma ya cifimbo icinga seka mitingi iyaba ngeyi; uyo muntu kuti aipununa ku kuposha kwa Mupashi wa Mushilo, kabili nokusosa ukuti inshiku sha fisungusho shali pita. Iwe walipona ukufuma kunuma ya cifimbo ca muntu kulya, icantambi icifimbo, kabili bonse bakeshiba ukuti cimo icintu calicitika kuli iwe.

¹²⁸ Ngo wesu shimucindikwa munyina, Jim Brown. Ine ndeceteekela abengi ba Presbyterian balishiba ukuti cimo icintu calicitika kuli ena, pantu ena—ena alifumako kunuma ya cifimbo ca ntambi. Ena alimwenemo cimo mu bantu, ico ica mu cebwile ena, kabili ena afumineko na kunuma ya cifimbo.

¹²⁹ Ukuba, iwe, nga wafumako kunuma ya cifimbo, iwe uli nokuba mukumoneka ukwapwililika ku bantu nomba, kabili bena kuti bamona ukuti cimo icintu calicitika kuli iwe. I cafimbwa i Cebo, ku ushacetekela, lelo mukumonwa ukwapwililika ku wacetekela. “Yesu Kristu aba cimo cine mailo, ileelo, no muyayaya.”

¹³⁰ Nomba, cali ni Lesa. Munshiku shilya, cali ni Lesa mu Muntu, Uwakwe Umwana, Yesu Kristu. Ifwe twalicaretekela ico. Te kasesemafye, te muntu yawe yawe, umuntunse yawe yawe. Cali ni Lesa muli Kristu; Lesa mu Muntu; umwisulo wa bu Lesa, mu mubili mu Muntu. Lesa mu Muntu!

¹³¹ Nomba ni Lesa mu bantu, umwisulo wakwa Lesa muli bu Lesa, mu muntu mu Chalichi Yakwe, ukuilangisha Umwine, ukufikilisha i Cebo Cakwe.

¹³² Nomba ifwe twasanga, Lesa, mu nkulo shonse, alakwata inkanda pali Ici. Ena, Lesa, alifiswa kunuma ya cifimbo.

¹³³ Ici cilenjibukishafye ine pa—pa kanono akalyashi akacitike kwisamba ku Masamba. Kabili uko kwali iya bena Kristu ing’anda. Kabili nomba muli iyi ng’anda ya bena Kristu bena bacetekele Lesa, kabili bena—bena batontonkenye ukuti—ukuti Lesa alebacingilila ku mafya yabo yonse. Kabili, icintu, Ena acita. Kabili bena balikwete umwaice Munono, umwaice umulumendo wa myaka cine lubali nangu cine konse konse. Kabili—kabili ena aleya kwi sukulu lyapa Mulungu kabili aali umwana umusuma nganshi umwaice umulumendo. Lelo aletina mu mfula ya cipupu, ukucilapo ilyo inkuba nga ilebyasha.

¹³⁴ Kabili Ine nasosele ici ku mwaume umo, ubushiku bwafumineko, ilyo ici cipandwa cafumine palwa mwaume uyu ukuposhiwa. Uyu kapyunga umo wine atile, “Bena balapanga kalesa ukufuma muli iwe, Munyina Branham.”

¹³⁵ Ukuba, ena aali ni kasusha, eico ine namwene ukuti ine kuti nacifumya, panonofye. Tekukalifya, imwe namwishiba, lelo icapalafye. . . Ine natile, “Bushe ico nacitaluka nganshi ku Malembo, ukuba ico?” Mwamona? Ine natile, “Iyo, tacitalwiike,” Ine natile, “pantu Yesu aitile ba kasesema ‘ba lesa.’ Mwamona? Ico nacilungama, ‘Lesa.’”

¹³⁶ Kabili bena batile, “Ukuba, imwe mwe bantu mwesha ukusenda incende yakwa Lesa.” Ico tacifumineko ukuya ukutali nganshi. Ico ni bwino bwinofye efyo caba ici. Ico ni bwino bwinofye. Lesa alangishiwe mu mubili, nga fintu Ena alaile.

¹³⁷ Ulu ulunono ulupwa, ifwe twasanga. Ine ine namwebele aka akanono akalyashi, akaisa ku matontonkanyo yandi apa pene. Ukuti, bumo ubushiku kwena kwaishile imfula ya cipupu, kabili nyina atile kuli Munono, atile, “Nomba, iwe kabiye pa mulu, mwana, kabili ukuya muku sendama.”

Atile, “Mama, Ine ndetina,” efyo ena asosele.

“Tapali icilekusansa iwe. Kabiye palya pa mulu no kuya sendama.”

¹³⁸ Umwaice Munono alambalele pa mulu palya, kabili ne nkuba ile byasha ukushinguluka insolokoto. Kabili ulya mwaice aiketwe ne myumfwile ya masamiko no mwenso, ena aleingisha umutwe mwisamba ya cakufimbana, kabili ena atwalililepo ukmfwa i—i nkuba, nangu ukubyasha kwa nkuba pa nsolokoto, kabili—kabili ukumfwa ukubulukuta kulelila. Eico ena atile, “Mayo!”

Kabili nina atile, “Nifinshi ulefwaya, Munono?”

Atile, “Isa pano no kusendama naine pamo.”

¹³⁹ Eico ena aninine intampulo, nga fintu umusuma, uwacumfwila nyina engacita. Kabili ena aishile pa mulu, no kusenda umwaice Munono mu maboko yakwe. Kabile ena atile, “Munono, mayo alefwaya ukulanda naiwe akashita akanono.”

Atile, “Cisuma, mayo.”

¹⁴⁰ Atile, “Nomba iwe ufwile ukucisunga ici mu matontonkanyo yobe. Ifwe tulaya ku chalichi, libili libili. Ifwe tulabelenga Baibele. Ifwe tulapepa. Ifwe tuli lupwa lwa bena Kristu. Ifwe twalicetekela muli Lesa.” Kabili atile, “Ifwe twalicetekela ukuti, mu mfula ya fipupu kabili fyonse ificitikamo, Lesa ekacingilila wesu.”

¹⁴¹ Ena atile, “Mama, Ine nincetekela fyonsefye palwa ico. Lelo,” atile, “ilyo ukubyasha kuli mupepi nganshi,” ena atile, “Ine—Ine ndefwaya Lesa ne nkanda pali Ici.”

142 Eico Ine—Ine ndetontonkanya, te Munono, ileelo bonse ifwe tumfwa ifyo fine. Ilyo ifwe twisa pamo, nga twapepelako umo no mubiye, Lesa nenkanda pali Ici.

143 Kabili ifwe twasanga apa ukuti Lesa lyonse alakwata inkanda pali Ena. Ilyo Mose amunwene Ena, Ena alikwete inkanda pali Ena, ukumoneka ngo Muntu. Ilyo Lesa aali kunuma ya fifimbo, Ena alikwete inkanda pali Ena. Kabili Lesa, muli buno bushiku, mwi Chalichi Lyakwe, alifimbwa mwi Chalichi Lyakwe ne nkanda pali Ici. Ena aba cimo cine Lesa, muli buno bushiku. Ifwe tulesanga ico.

144 Lelo nomba, ngo kucila, inkanda icifimbo eikata intambi. Bena teti bacetekele ukuti uyu ni Lesa ukupanga balya abantu ukukwata imibele ya musango ulya. Mwamona? Mulandu wakuti Lesa alifimbwa mu Chalichi Cakwe, mu nkanda, inkanda pali Ici. Ico nacilungama. Ena alifiswa ku ushacetekela, kabili ukusokololwa ku wacetekela. Ee, mukwai.

145 Nomba, ilyo icifimbo cabo ica ntambi, ica ntambi sha bakalamba ne Cebo, ca lepulwa ukupitamo, oh, nifyo fine, nomba caisa mukumonwa ukwabula icakucingwa, ifwe twamumona Ena, Bushimapepo nakabili ukufimbwa mu mubili wa muntu. Aba Hebere 1 yalisosa ifyo.

146 Kabili Ukutendeka 18. Imwe muleibukisha, Lesa aali Umuntu, ukwiminina pano, ukulalya, kabili nokulanda na Abrahamu, kabili nokusosa ifyo Sara alecita mwi tenti kunuma Yaiko.

147 Kabili Yesu atile, “Nga fintu cali munshiku shaku Sodoma, efyo cikaba pa Kwisa kwa Mwana wa muntu.” Bu shimapepo ukufimbwa nakabili mu mubili wa muntu! Nomba, ibukisheni, Yesu tasosele ukuti, “Ilyo Umwana wakwa Lesa alesokololwa.” Muli Luka chapitala ya 17, Ine ndecetekela, kabili kuti caba 20, 21 iversi, pamo pancende imo palya, Ena atile, “Kabili ilyo Umwana wa muntu alesokololwa.” Umwana wa muntu, ukubwekela mu—mu—mu Chalichi nakabili, ukusokololwa mu bantunse; te Mwana wakwa Lesa, lelo Umwana wa muntu nakabili, ukubwekela mu Yakwe Chalichi nakabili, munshiku sha kulekelesha. Ifwe twasanga ukuti Ena alaile ico mu bulayo bwakwa Lesa.

148 Ifwe twamonapo nacimbi icintu, mu Cipangano Cakale. Ine ninkwata Amalembo pano, mu Kufuma. Ukuti, shilya ishakale imikupo sha tu badger, nifinshi ici cacitile? Ici cafishile Ubukata bwakwa Lesa ku bantu. Imikupo yatu ma badger; nangu bantu tekuti bacimone Ici, pantu ici cli mikupo eya cikete Ici. Imikupo yali. . . Ubukata bwakwa Lesa bwali kunuma yamikupo.

149 Kabili nomba Ubukata bwakwa Lesa waba shicumona ya nkanda yenu. Ico nacilungama. Kabili intambi teti shicumona Ici. Cena cili mukati ca cifimbo, uko i Cebo Cakwe caali.

150 Bushe finshi fyali mukati ka mikupo mulya, imikupo ya ma badger iyakale?

151 Ubo, “Tamwali ubusuma ubo ifwe twinga kabila Ici. Kabili ilyo Capangilwe umubili kabili nokwisa ikala pakati keso ifwe, Ici tacali no busuma ubo ifwe twinga kabila Ici.”

152 Kabili nomba icintu cimo cine efili ileelo. Takwaba ifintu nangu fimo mu mwaume nangu mumwanakashi, ifinga kabilwa. Cintu cili kunuma yaico. Ifyo efyo cili. “Ukuba,” iwe awtila, “ulya mulumendo, Ine ninjishiba ukuti ena aali ni chakolwa. Ena alecita *ici*.” Ine nshile sakamana efyo ena alecita. Nifinshi fyafiswa kunuma yailya nkanda? Nifinshi fyaba kunuma kuluya, ifyo epipendwa. Efyo caba, abantu bali pofula. Inkanda ilapofwisha abantu. Mwamona? Bena batila, “Ine ndeibukisha ifyo ulya mwanakashi alecita.” Ine nalishiba fintu ena alecita, lelo nga nomba pali ndakai? Mwamona?

153 Shilya mikupo, ishali inshita imo muli babdger, lelo nomba shilefisa Ubukata bwakwa Lesa, ukubusunga Bwena kunuma shaiko. Cena cali pa nama, lelo nomba cilesunga Ubukata bwakwa Lesa.

154 Kabili efyo ne nkanda yenu inga cinjiwa, munshita ya bushiku ino, ukupangwa incende yakwikalamo Lesa, Lesa ukwikala mu bantunse.

155 Lolesheni. Ishakale imikupo shama badger, ifwe twasanga ukutula, kunuma yena yali... Mukati ka mulya mwali Cebo. Kabili, i Cebo, mulya mwali no mukate waba shimapepo. Icipao cali ica sanswa. Kabili caali ni cinshi? Ubukata bwa Shekinah bwali mulya mukati.

156 Nomba, i Cebo Lubuto, kabili Teti lutwale kano She-... Umwana umwaume acumamo Ici. Umwana afwile aba pa Lubuto, ukulupanga Lwena ukutwala, Lwena lwaisa kuntanshi. Kabili iyo enshilafye epela. Iwe bula i Cebo, mwamona, bula i Cebo cakwa Lesa mu mutima obe, nokwenda ukwingila mu Bukata bwa Shekinah. Kabili nga mwacita ico imwe, Cena cikaleta umukate waba Shimapepo, Manna, iyo ipelwafye ku bantu abapatululwa. Icentufye cimo icingalya iyi, ica suminishiwa ukuihya iyi, bantufye aba suminishiwa kabili abawishiba Wena. Paulo alosele apa, “Ukucinja ukufuma ku Bukata nokuya ku Bukata.” Imwe mwamona, mukushalikisha, Ici cisa mpaka Ici cabwelela ku Bwaciko ubwakubalilapo Ubukata.

157 Ici cabafye ngo lubuto lwa bukata bwa lucelo. Uluseke lwe luba, lwena luponena mu mushili. Uluseke lwe taba luponena mu mushili. Bushe ica kubalilapo cinshi? Lwena lulema pamulu, kabili luba kaba akalemena akanono. Nomba lya muku sakamuna. Nomba, ukufuma muku sakamuna, ukubwelela ku luseke lwa kubalilapo.

158 Ukuba, ico cabafye bwino bwino efyo i Chalichi lyacita. Ici cafuma kuli Luther, Wesley, kabili nomba ukubwelela ku lwantanshi Uluseke, Ubwabuko ubwakubalilapo Ubukata, ukubwelela ku Bukata Ici cali ku kukutendeka. Umwana uwaimine ku Kabanga, ena ni umowine Umwana uulelangisha cimo cine icintu ku Mboshi, ukucinja ukufuma ku Bukata nokuya ku Bukata. Cena ca cinjische ukufuma ku ba senshi, ukuya muli Luther; kabili ukufuma kuli Luther, ukuya muli Wesley; ukufuma kuli Wesley, ukufuma ukwingila mu Pentecosti; kabili ukya no kuya, ukucinja ukufuma ku Bukata nokuya ku Bukata, ukulapanga iyafiswa Manna.

159 Kabili nomba Ici nacipya, ukumubwasha Ena bwino bwino nga fintu aali Ena mu kutendeka, Bumo bwine ubwakwe ubupyungishi; umu wine Yesu, amaka yamo yene, Mupashi wa Mushilo umu wine. Umu wine uwaishile pa Bushiku bwa Pentecosti, ni Mupashi wa Mushilo umu wine uulelangishiwa ileelo, ukufuma ku Bukata ukuya ku Bukata, nokuya ku Bukata. Kabili ukubwelela ku Lwaluko ulwakubalilapo Ulubuto, no lubatisho lwa Mupashi wa Mushilo; ne filangililo fimo fine, ifisungu sho fimo fine, ulubatisho lumu lwine; umu wnie umusango wa bantu, imibele yabo ukuba mu nshila imo ine, na maka yamo yene, imyumfwile imo ine. Kufuma ku Bukata ukuya ku Bukata. Kabili icikakoknkapo ku, “Pilibulwa ukufuma kuli ubu Bukata, ukuba no miubili ngo Wakwe Ena uwabukata, uko ifwe tukamumona Ena.” Abrahamu amwene cimo cine.

160 Nomba lolesheni. Ifwe tulemaona efyo ici ca chinjische. Ukufuma pa Kalbale, ifwe twalitwa ukwakanya Ubukata Bakwe. Nomba, mu Yakubalilapo Abena Kolinti 12, “Ifwe twalibatishiwa mu mubili Wakwe. Ku Mupashi umu ifwe bonse twalibatishiwa.” Te kuli yamo “amenshi.” “Umu Mupashi, ifwe emo twabitishiwa.” Ico nacilungama, nomba, kabili nomba ifwe twisa mukuba icipandwe Cakwe.

161 Ine ndecetekela Ine nshilemisunga inshita ntali. [Ulukuta lwatila, “Iyo.”—Kale.] Mwamona? Ine ndesubila nsha cite ico.

162 Lelo, cilifye ngo lwimbo ulutali ululelila, nangu ukwangala ubwabwangolo.

163 Ine nshaishibapo sana palwa nyimbo ishitali nangu amangalo. Lelo Ine naletamba ubwangalo ubu. . . Ine nacilasosa pali *Carmen*, umu umwana wandi umukashana na bambi balimo mwena. Kabili bena—kabili bena baleangala muli ulu lwimbo ulutali, muli *Carmen*. Bena baleangala ubo. Ulwimbo lwale—lwale—lwale lishiwa mu musango uyo wine.

164 Ifyo efyo cena caba ilyo imwe mwabatishiwa no Mupashi wa Mushilo, muli Kristu.

165 Nomba, mwamona, mwebengi imwe mwalibelenga nangu ukumfwa ilyashi lya mukalamba kapanga waku Russia uwapangile *Petelo no Mumbulu*. Kabili efyo ena, bena ba

angele filya pa tufyela utwakupamapo nafyonse. Kabili bonse abaishiba ilyashi, ukulibelenga ukulifumya pe pepala, kabili kuti baumfwa ulu ulwimbo ulutali, ifyo lwena balwangala, ubwangalo, ukululisha lwena, mulandunshi, bena baliciba apakucinja ponse. Bena kuti balulolesha ulu *apa*, no kumona apacinjishe.

¹⁶⁶ Lelo, nomba, finshi ficitika nga ka—ka panga alemba cimo icintu, kabili ifwe twasanga ukuti bulya twabangelwe mukulungama? Ifwe twasanga nomba ukuti pali cimo icintu ica citika. Pali cimo ici bulile, ilyo ifwe twabamona bena. Ena uwa lupangile ulu eupangile kabili ukulemba, kabili bakalisha wa lwimbo ulutali abalelulisha lwena, bauma pa ciunda cimo icalubana. Pali cimo icintu icailubene. Katungulula apele icilangililo ica lubana. Mwamona?

¹⁶⁷ Kabili uyu emulandu ileelo, mwe babwananyina bandi abaku Lutheran, ababwananyina bandi abaku Babtisti, ababwananyina bandi abaku Pentecosti. Bonse ababwananyina ukufuma konse ukwapusana pusana ifilonganino, ico efyo caba cena. Mwamona? Imwe mule esha ukupela iciunda ica lilile kunuma mu nshiku shakwa Luther, Wesley, ngefyo, ilyo, ukuba, Ipepala apo belemba inyimbo apa palelanga ukuti bwena bushiku bumbi. Mwamona? Mwamona? Mwamona? Ifwe teti twikale mu lubuto lwakwa Luther; ena ali ni kachija. Ifwe tuletotela ena—ena icipanwa cakwe, lelo ifwe twalilisha ico kale. Ifwe natupitapo nganshi *apa* kunuma ye Buuku nomba. Mwamona? Ifwe teti—ifwe teti tulishe Ici ngefyo.

¹⁶⁸ Nomba, inshilafye imo iyo imwe muli nokucicita ici, mwe babwananyina bandi, nifi. Kabili mwebabwananyina bamucalo, muncende shapusana isha mucalo, Ine nalimo kuti natila, kwabafye inshila imo kuli uyo—kuli uyo katungulula ukucita. Ena afwile aingila mu Mupashi umo wine uo Kapanga alimo, nomba ninshi acikwata Ici. Kaabili ilyo i Chalichi, Ulwimbo ulutali Ulwine, uko isonde lilelola ukufwaya ifishibilo ne fisungusho; ilyo i Chalichi, na Kapanga, kabili katungulula, bonse baingila mu Mupashi wakwa Kapanga.

¹⁶⁹ Nomba ilyo bena batila, “Inshiku sha fisungusho shalipita,” cena tacileuma pa ciunda ica lungama.

¹⁷⁰ Lelo ilyo ici cisa mukuba mukusunsha ukwalungama ukwa Ici, kabili uwalungama u Mupashi wa Ici; kuti mwacita cani mpaka Mupashi aikila panshi, uwa kwa Kalemba? Amen. Nomba imwe mwatila, “Inshiku sha fisungusho tashatala ashipita,” Ulwimbo lutali lulelila aluti, “Ameni!” Ifwe nga twauma, ukuti, “Yesu Kristu aba cimo cine mailo, ileelo, kabili umuyayaya,” Ulwimbo ulutali lulelila aluti, “Ameni!” “Imwe mukapokelela amaka panuma yaici Mupashi wa Mushilo nga aisa pali imwe.” Ulwimbo ulutali lwalila aluti, “Ameni! Ine nincikwata Ici!” Tapali ifyakwelenganya palwa ici nomba.

Ulwimbo ulutali lonse luli mukwampana kwa mashiwi ne Cebo. Cena cileya. . . [Munyina Branham atota amaboko pamo imiku itatu—Kale.] Ifyo eflyo. Oh! Ici cintu icikalamba nganshi. Katungulula na Kalemba bafwile baba mu Mupashi umo wine. Kabili eico ba kalisha ukuba mu Mupashi umo wine, paku cilisha Ici conse. Kabili icalo cile papa ici lecitika.

¹⁷¹ Bu capamo bena basosapo, kabili calimpanga ine ukulwala naco, kabili fyonse ifya kukuminkanya pamo na fimbi ifyashala, kabili akapatulula. Oh, uluse! Ifya uyu musango, ifyabulamo amano, ilyo Ukwisa kwakwa Shikulu kuli mupepi, kuli cimo icileuma munshila iishalungama. Ine ndetina ukuti katungulula ali. . . Ba katungulula balifuma mu Mupashi wakwa Kalemba.

¹⁷² Ilyo ifwe twakwata ulya Mupashi wakwa Kalemba, amaka yakubalilapo ayakwa Lesa ayo Baibele yasosele, “Abaume bakale baleseshiwa ku Mupashi wa Mushilo ukulemba iyi Baibele,” imwe mukayamona tubili utupandwa twa ma pepala twamwina China yakesa pamo, nga fintu Baibele yakwa Lesa kabili uwasumina bali nokwisa pamo, pantu bena bonse bali no Mupashi umo wine. Bena bonse bali cimo cine icintu. Twena kuti twaikatanafye bwino bwino mukwampana pamo. Ifyo tulekabila ileelo niba katungulula, abo abali abalungama, ukubwelela ku Cebo, ukubwelela kabili ukucetelela Ici nga fintu Ici casoswa. Nomba imwe mwamona Lesa, Umwine. Uko ekufimbula. Icangalo nacipangwa ukuba ici tuntulu.

¹⁷³ Ileelo, bena batila, “Ukuba, Ena ni Lesa wa mulyashi lyakale. Ena alitolweke Bemba Wakashika. Ena alicitile fyonse *ifi*. Kabili Ena aali mwi bu—bu ku lya mulilo, na ba Habere abana.” Busuma nshi bwaba Lesa wa mulyashi lyakale, tali, nga Ena taba cimo cine ileelo? Umuntu alitwalilila ukukatamika Lesa pafyo Ena acitile, ukutontonkanya pafyo Ena ali nokucita, kabili ukukana lolesha pafyo Ena acita. Ici cabafye mu muntu ukucita ico. Kabili ici cimo cine icintu ileelo, mwe babwananyina bandi. Ici cimo cinefye icintu. Oh, ine!

¹⁷⁴ Leken i tubwelele kunuma kabili ukuleka Ulwimbo ulutali lulilila bwino, uko bena aba mucalo benga mona. Yesu atile, “Nga cakuti Ine naimishiwe pamulu ukufuma pe sonde, Ine nketa bonse abantu kuli Ine.” Kabili, “Ena aba cimo cine mailo, ileelo, no muyayaya.”

¹⁷⁵ Leken i ba katungulula babe mu Mupashi wa lungama, pamo na ba kalisha kabili na Kapanga, fyonse fili nokuba ifyalungama. Nomba ifwe tuli, tapali ifyakwelenganya pali ici, ifwe tuli abaishibikwa pamo na Ena nomba. AbaHebere 13:8 itila, “Ena aba cimo cine mailo, ileelo, no muyayaya.”

¹⁷⁶ Ifwe tuli abaishibikwa na Ena mu Milimo ya Batumwa 2. Ifwe tuli abaishibikwa na bena, na lumo lwine ulubatisho, lumo lwine. Fyonse eflyo Ena aali ilyo kabili eflyonse Ena ali, fyonse

Ena aali kabili efyonse Ena ali, ifwe efyo tuli. Ico cili bwino bwino ngefi.

¹⁷⁷ Nga fintu Ine nga ndefwaya ukuba uwacine umwina America, Ine mfwile na ishibikwa na fyonse ena aali, fyonse ena aba. Ine mfwile naishibikwa neci, nga ndi mwina America wacine.

¹⁷⁸ Nga ndi mwina America uwacine, ninshi Ine na fikile pe Libwe lya Plymouth. Ameni. Ine nalicitile ici, nga ndi mwina America uwacine. Ifyo efyo naimwe mwacitile; mwa fikile pe Libwe lya Plymouth na ba labeshi abafyashi. Pa Cilibwe ca Plymouth, ilyo imwe mwafikile kulya, Ine nali nabo; naimwe bene, bonse.

¹⁷⁹ Ine endele na Paulo Revere, ukupita pa musebo, ukumucenjsha ena pa busanso. Ico cili bwino bwino icalungama.

¹⁸⁰ Pano penefye pe samba pa Valley Forge, Ine nali tolweke iya menshi makasa Delaware, ne bumba ilinono ilya bashilika abo, citika pali bena, tabafwele insapato. Ine napepele bushiku bonse na George Washington, libela. Ine nalitolweke Delaware ne cimonwa mu mutima wandi. Ifwe tuli bena America. Ee, mukwai. Pa Valley Forge, Ine mukushininkisha nalicitile ico.

¹⁸¹ Ine nabwesheshe ukutotela na Abakupela ukutotela abafyashi bakubalilapo. Ine nabwesheshe ukutotela kuli Lesa. Nga ndi mwina America wacine, Ine naishibikwe pe tebulo lilya.

¹⁸² Nga ndi mwina America wacine, Ine naishibikwe ilyo Ine naiminine na Stonewall Jackson.

¹⁸³ Nga ndi umwina America uwacine, Ine naishibikwe ku Malila ya Makabe ku Boston, ee, mukwai, ilyo ena akenye ukuti batufimbe ifintu pa menso yesu. Ukuba, Ine naba uwacine umwina America. Ine na ishibikwe kulya neco. Ee, mukwai. Oh, ine!

¹⁸⁴ Ine nalilishishe Imbelu ya Kulubuka, ukubalilapo kwa pa 4 mu Cikungulu pepo, mu 1776. Ine nalilishishe Imbelu ya Kulubuka pano nokusosa ukuti ifwe tuli abantungwa. Ukuba umwina America wa cine, Ine nacitile ico.

¹⁸⁵ Ine naishibikwe pamo nensoni shakwe mu Fyakucinja, ilyo munyinane alwishishe. Ine mfwile ukusenda insoni shakwe, munshila imo ine Ine nsenda ubukata bakwe. Nga cakuti Ine ndi mwina America, Ine mfwile nacita ico. Ine naishibikwe pamo na ena. Ee, mukwai.

¹⁸⁶ Ine naishibikwe ku Gettysburg kwisamba kulya, ilyo Lincoln apele ifyakulandapo fyakwe. Ee, mukwai.

¹⁸⁷ Ine nali pa Cishi ca Wake, pamulu wa mibili yaba shilika iya mulopa. Ine nalimine pa Cishi ca Wake.

Pa Guana, Ine na afwilisheko ukwimya imendela.

188 Ine ndi mwina America uwa cishinka. Amen. Fyonse fintu ena aba, Ine naliba, kabili uwacilumba pali ici. Ee, nifyo fine. Yonse America yali ba, fyonse eflyo ena aba, Ine ncili ico, ukuba umwina America. Fyonse ifyo ena aali, Ine mfwile ukuba, pantu Ine nalishibikwa na ena.

189 Cimo cine icintu, pakuba uwacishinka umwina Kristu, iwe ufwile waishibikwa pamo nabo.

190 Ine nashimikile na Mose, kabili ukuso- . . . nangu na Noah, kabili ukusoka abantu pa buleisa ubupingushi; ukuba uwacine umwina Kristu.

191 Ine nalinna Mose ku cimpusa icallepya. Ine nalimwene Ntumba ya Mulilo. Ine nalimwene Ubukata Bakwe. Ine nali na Mose pamulu palya mu matololo, ukuba umwina Kristu. Ine mfwile nalangishiwa na fyonse ifyo Lesa aali, ukuba umwina Kristu. Ine nalimwene Ubukata Bwakwe. Ine nalyumfwile Ishiwi Lyakwe. Mwiesha ukulondolola ukufumyako kuli ine nombamba, pantu Ine eko nali kulya. Ine ninjishiba fintu Ine ndelandapo. Ine nalimwene ica citike. Ee, mukwai.

192 Ine nali pali Bemba Wakashika, ilyo Ine namwene Mupashi wakwa Lesa aikila panshi nokupatula amenshi ukufuma kulubali lumo; te kupita mucisakatu ca matete, ifyo bena besha ukusosa ileelo, lelo ukupita mulibemba uwali ba futu-amakumi pabula. Ine nalimwene Mupashi wakwa Lesa. Ine nalyendele na Mose ukupita pa mushili uwauma, ukutoloka ulya Bemba Wakashika.

193 Ine naiminine pambali wa Lupili lwa Sinai kabili ukumona ifibulukuto ne nkuba ilepona. Ine nalilile Manna na bena kunse kulya. Ine nalinwine ukufuma ku Libwe lilya. Ine ncili ndecita ico na muli ino inshita ya bushiku. Ine naishibikwe pamo na bakalya ba-Manna. Ine naishibikwe na bena aba lenwa ukufuma kwi Libwe.

194 Ine naishibikwe pamo ilyo Yoshua alishishe ipenga, kabili ifibumba fya Yerico fyaponene panshi.

Ine nali mwi linga lya nkalamu na Daniele.

Ine nali mwilungu lya mulilo na bana ba ba Hebere.

Ine nali mu Lupili . . . na Eliya pa Lupili lwa Karmele.

195 Ine nali na Yohane Kabatisha, kabili pacinso caba kapumya. Ine nalimona Mupashi wakwa Lesa aleikila. Ine naumfwile Ishiwi lyakwa Lesa lileti, “Uyu Mwana Wandu Uyo Ine mbekelwa ukwikalamo.” Ee, mukwai. Ine mucine nalangishiwe na ena. Ico nacilungama bwino bwinofye.

196 Ine nalilangishiwe kulya pa nshishi yakwa Lazaro, ilyo Ena abusishe Lazaro. Ine nalilangishiwe, namayo pa cishima, ilyo Ena amwebela ena imembu shakwe. Ee, mukwai.

¹⁹⁷ Ine mucine nalilangishiwe na Ena mu mfwa Yakwe. Kabili Ine nalilangishiwe pali Pasaka wakubalilapo. Ine nalibukile pamo Nankwe ukufuma ku mfwa. Ine nalilangishiwa na Ena mumfwa Yakwe.

¹⁹⁸ Ine nali no mwanda umo namakumi yabili, mu muputule wa pamulu. Ine nalilangishiwe pamulu palya na bena. Imwe! Ine—Ine naumfwa bukapepa. Oh, ine! Ine nalangishiwe nabo kulya. Ine ndi umo pali bena. Ine nalangishiwe. Ine nakwete ukupitamo bena bakwete. Ine nali palya ilyo ici cacitike, ukuba uwacine umwina Kristu. Ine nalisangilweko kucalebutuka ku Cimwela icikalamba cileisa. Ine nalisangilweko kuli ico. Ine nalumfwile amaka yakwa Lesa ilyo Ici calesunkana. Ine nali na bena abasosele mu ndimi. Ine nalyumfwile ukusubwa kwaisa mulya. Ine nali nabo. Ine nalangishiwe na bena ilyo Mupashi wa Mushilo atampile ukusosa ukupitila mu ndimi, na bena.

¹⁹⁹ Ine nali na Petelo, pa cinso caba kapumya mu Milimo Yabatumwa 2, ilyo ena ashimikile imbila ikalamba iyo ena ashimike. Ine nalilangishiwe pamo na ena. Ee, mukwai.

²⁰⁰ Mu Milimo Yabatumwa 4, ilyo bena balongene pamo, Ine nali nabena ilyo icikulwa ca sunkanishiwe. Panuma ya mitingi ya mapepo, icikulwa calisunkene apo bena baikele. Ine naishibikwe kulya na bena.

Ine nashimikile pamo na Paulo pa Lupili lwa Mars. Ee, mukwai.

²⁰¹ Ine nali na Yohane pa Cishi sha Patmos, kabili ukumona Ukwakwe Ukwisa kwacibili.

Ine nali na Luther muli ba kacinja.

²⁰² Ine nali na Wesley, kacincimusha; uwa fwambulwile pa mililo, ilyo ukukalamba bukakanya ukulwisha i chalichi lya Anglican. Ine nali pano na ena.

²⁰³ Kabili pano pantu ndi muli ino nshita ya bushiku, 1964, mu Philadelphia, Pennsylvania, ukwishibikwa ne bumba limo line ilya uyo musango, na fimo fine ifyakupitamo. Ine mfwile naba, ukuba umwina Kristu. Ine mfwile naikala uwaishibikwa uko i Cebo cakwa Lesa cile langishiwa. Ine naba uwaishibikwa pamo ne bumba ilyumfwa u Mupashi wakwa Lesa.

²⁰⁴ Ine naishibikwa ne bumba ilya ishiba ukuti Ena ali sokololwa, kabili abaishiba ukuti Ena aba cimo cine mailo, ileelo, no muyayaya, ilyaishiba ukuti Ici te kufulungana. “Ni Yesu Kristu cimo cine mailo, ileelo, no muyayaya.” Ine ndi uwaishibikwa neli ibumba pano, muno munshita ya bushiku. Cibe, bena betwa nge bumba lya bantu bacetekela ifyabufi, nombamba ibumba lya bantu bafulungana, pa mulandu wa Cebo cakwa Lesa. Lelo, “Ine nshufwile nsoni Ilandwe lisuma lyakwa Yesu Kristu, pantu Lyena maka yakwa Lesa aye pusukilo,” kabili Ine ndi umo. Ine naba nabena abamweo bakalata Ine nasoselepo,

abashininkishiwa, Lesa uwafimbwa mu mibele ya muntu, mu baume na banakashi. Oh!

²⁰⁵ Lesa mu Yakwe *en morphe* nakabili, uwaisokolola Umwine kabili ukuipanga Umwine ukwishibikwa ku bantu Bakwe. Umukalamba Imfumu uwalambalike Ubukata Bakwe. “Mukashita akanono kabili icalo tacakamone Ine nakabili. Ine nalifimbwa kuli bena. Lelo imwe mukamona Ine, pantu Ine ndi nokuba naimwe, na muli imwe, inshila yonse mpaka kukupwa kwa nshita, ukucinja ukufuma kuli Luther ukuya kuli Wesley, ukuya na kumbi na kumbi, ukufuma ku Bukata ukuya ku Bukata. Ine nabafye umo wine Lesa uyo uwaikele, kabili ukubwekelamo ku bwakubalilapo Ubukata.” Alleluya!

²⁰⁶ Ena ali lepwile conse ica cilonganino icifimbo, conse icakucinga ica ciunda. Iciunda icitila aciti, “Oh, uko ku fulungana,” Ena ali alilepwile ukupitapo pali ico. Iciunda icafumine mulya, catile, “Oh, balya abantu balipena,” Ena alilepwile ukupula pali ico cifimbo. Ee, Ena alisosele. “Oh, imwe teti mucicite ici. Imwe muli ibumba lya bantu ba fulungana.” Ena alilepwile ukupita pali ico. “Takwaba icintu icaba ngo kuposhiwa kwa Mupashi wa Mushilo.” Ena alilepwile ukupita pali ico, oh, ine, pantu i Cebo Cakwe calisosa ukuti Ena kuti aposha. Iwe teti ucimfye i Cebo cakwa Lesa.

²⁰⁷ Kabili apo Ena eminine, lelo, munshita ino iyabushiku, Kacimfya wapulamo, apo Ena alilepwile conse icaba Methodist, Babtisti, Presbyterian, conse ica musango onse icifimbo. Ena acili aliminina pa bantu Bakwe, munshita ino iya bushiku, ababula ukucimfiwa ku fishilano. Leken i abantu basose ifyo bena benga fwaya ukusosa, ukucita bena eflyo benga fwaya. Lesa alesa, alilepula ukupita pali cilya icifimbo ca ciunda.

²⁰⁸ Kabili ibukisheni, bena banjeba ine, ilyo indeke ilalepula cilya icakucinga ica ciunda, takwaba impela yakubutuka kwaiko.

²⁰⁹ Ine ndemwebwa imwe, ilyo imwe mwalepula cilya cifimbo ca fishilano, ukuti, “Yesu aba uwakunuma nganshi, kabili taba Ena inonshita,” ilyo mwasanga ukuti Ena aba cimo cine malio, ileelo no muyayaya, takwaba icakukanya ku fintu Lesa engacita muno mwine mu musonkano, kabili ukulanga ici calo ico bena balekabila: te ca calo icakutamba, lelo ukucincimushiwa kwa calo ukukesushiwa kabili ukubatishiwa no Kubapo kwakwa Lesa uwamweo, *en morphe* ukuisokolola Umwine mu mubili wa muntu. Alleluya! Ine nalicicetekela ici.

²¹⁰ Ukulepula ifyakucinga fyonse, conse icifimbo, conse icifimbo! Tapali icintu icinga fisa Ukubapo Kwakwe. Ilyo abantu baba nensala mu mitima yabo, pena pali icifimbo icilepekanishiwa uku pulwamo. Iwe kuti wa shintilila pali ico. Ali lepwile conse icifimbo, ku Mukalamba Mupashi wa Mushilo!

211 Kabili Ena naiminina pano, muno munshita ya bushiku, uwapulamo Kacimfya, cimo cine mailo, ileelo no muyayaya; ukuposha anbalwele, ukubatisha abacetekela, nga fintu Ena alecita lyonse. Ena ni Kacimfya wapulamo. Ifyakuyamukonaulwa ifiwa filebutauka. Ee, mukwai. Fyena lyonse fyaliba, ilyo Ena alipo.

212 Mukwisala nalimo Ine kuti nasosa ici. Kwaliko i... Nabelengele ilyashi, imyaka yapitapo iyafula, pa walelisha icilimba. Ena alikwete akale aklimba kanono ako bema bali nokushitisha. Ime mwalyumfwa ili lyashi, imiku iingi. Kabili bena balefwaya ukucishitisha pa cintu cimo. Kabili ulya kashitisha atile, “Ninani alampela ine *ifi-ne-fi*?” Ine ndecetekela ena balimwebele ukumupelako tu mangwe tunono, nalimo amacenti amakumi yasano, nangu lumo fimo ifintu. “Ukuya limo, ukuya imiku ibili. . .”

213 Mukutonta, umo umwaume aimishe ukuboko kakwe kulya kunuma. Ena atile, “Pali miniti imo.” Kabili ena aensele aisa nokukasenda kena. Katutontonkanye ukuti ena alishishe ulu:

Kuli a Kamfukumfuku kaisulamo no Mulopa,
Uwafuma Mumishipa shakwa Emmanuel;
Ilyo a babembu bawilamo pesamba lya lyeshi,
Balufya ifitatilo fyakusekwa.

214 Nomba ilyo ena akalambalike aka panshi, tapali ilinso ilyauma mu ncende. Elyo ena atile, “Ninani alasosa ishakulipila?”

215 Umo atile, “Imyanda isano.” “Imyanda ikumi.” Cena tacakwete umutengo ungacilinga cena. Mulandunshi? Ka—kafundisha uwa kalimba alisokolwele iyacishinka imibele keali.

216 Oh, munyina, nkashi, nomba lekeni Kafundisha wa ici Cebo, Uyo uwacilembele Ici, umukalamba Mupashi wa Mushilo, abikeko ku Kakwe akamuti kakulishishako ne icitemwiko, kabili ukutinta ukupita pamutima obe.

Kuli a Kamfukumfuku kaisulamo no Mulopa,
Uwafuma Mumishipa shakwa Emmanuel.

217 Imwe mukamona ubukankala bonse, kabili ukumona uwasokololwa Lesa aisafye bwino mukumoneka. Ukuti, Ena abafye cimo cine nga fintu Ena ali ilyo Ena aponene Pa bushiku bwa Pentecosti, pamulu pali balya abantu, ilyo Ena aipangile ukuba *kenos* Umwine, “ukuitulula” bwino bwino muli Ici. Ico nacilungama.

218 Imwe mutila, “Munyina Branham, Ine nalyesha. Ine nalyesha. Ine nalicita *ici, ico, cilya cimbi*.”

219 Ubushiku bumo Ine nalikwete imitingi ku Carlsbad, ku New Mexico. Kabili ifwe twalingile mulya muikulu incende isangwamo utususu panshi palya. Kabili mwaliko umwamoneka-ciwa ciwa, kabili ifwe twaingilemo munshi

mulya. Kabili u—u mwaume, ilyo afikile muncende mulya, ena—ena ashimishe inyali. Kabili, oh, ine, imwe kuti mwatontokanya ifyo mwena mwaifitile. Mwena mwali . . . Mwena mwalifita kuti mwacumfwa ici.

²²⁰ Kabili ifyo enshila inshita shilesanguka, ilyo ifwe twamona ichalichi ilifilwa ukwishiba i Cebo cakwa Lesa. imwe nga mwamona abana banakashi baku Zioni balecita fintu bena balecita; ilyo imwe mwamona bamunyinefwe abapepa nokunwa, kabili—kabili ukusosa ifyakupusha ifya tapa ne fintu, kabili ukweshwa ukwikatilila ukulapila kwabo muli Kristu. Oh, ine, mwena mwalifita. Mwena mwaifita nga manenekela.

²²¹ Ifwe tulemona ifilangililo fya Kwisa Kwakwe. Kwena kukaba . . . Kwena kulafita ifyofye ubushiku tabulaca. Nomba Ulutanda lwa Lucelo lulafuma ukupusha ubwaca ubushiku, kabili nokubutangilila bwena, kabili nokulanga ukuti bwena buleisa. Lolesheni.

²²² Mukati mulya, ilyo bashimya ilya, kuli umwaice umukashana uwapunda pamulu we shiwi lyakwe. Pali umwaice umulumendo uwaiminine pambali ya kwa katungulula ilyo ena ashimishe inyali nga filya. Kabili nkashi munono alifye nokukwata umusamfu. Ena alepunda, ukutoloka pamulu-napanshi. “Oh! Bushe nifinshi fyalacitika ukukonkapo? Bushe nifinshi filecitika? Bushe nifinshi filecitika?”

²²³ Bushe imwe namwishiba eflyo ndume wakwe apundile? Ena atile, “Witina, we munono nkanshi yandi. Pali umwaume pano uyo uwingasha inyali.”

²²⁴ Kutika, we munono nkashi yandi, iwe kuti wamona ukuti iwe uli munono kabili muli balya abampendwa inono. Lelo, witina. Pali Umwaume pano Uyo uwingasha Inyali. Uyo ni Mupashi wa Mushilo. Iwe wacitetekela ici? [Ulukuta lwatila, “Ameni.”—Kale.]

²²⁵ Natukonkeke imitwe yesu pakashita akanono. Ine ndi uwalomba ubwelelo pakumisunga imwe.

²²⁶ O we mukalamba Lesa waba mu Muulu, ukuisokolola Wemwine weka, ukuifungulula Wemwine weka, ukuipanga Wemwine weka ukwishibikwa, ikalamba Imfumu ya Bukata, sendeni utu utunono utulangililo, munshita ino iya bushiku, kabili lekeni twena tupone panshi ya mitima ya bantu. Kabili lekeni ifwe tumone ulya uwasokololwa Umo, ukuti Umo Uyo waikile panshi kabili ukulepula icifimbo ce tempele; kabili nombamba ukufuma kunse ya cifimbo, ukwisa panshi mu fifimbo fya bantu nakabili, pa Bushiku bwa Pentecosti; tabatala ababa cimo cine, ukucinja ukufuma ku Bukata ukuya ku Bukata.

²²⁷ Kabili nombamba ifwe natubwelela kunuma nga bonse ububumbo, mumisango, ukubwelela kunuma ku Lubuto lwakubalilapo, ukufumafye ku nkulo ya chalichi imo ukuya ku inankwe. Kabili na muli ino nkulo yakubalilapo pano, ifwe tuli

pano, ukubwelelafye kunuma ku cakubalilapo Icintu icaponene pa Bushiko bwa Pentecosti, ukuti kube ukufikilisha yonse Amalembu, “Ulubuuto munshita ya cungulo,” kabili, “Imilimo intu Ino nshita mukacita naimwe pamo,” kabili ne fingi ifintu ifyo Imwe mwalaile mu Cebo Cenu.

²²⁸ Taata, nga kuti paba umo pano uyo ushilati alepule ukupita mu cifimbo nomba, nangu nga paliko umo pano uyo ulepashanya umuntu umo uwapita mu cifimbo, peleni uluse munshita ino iya bushiku, Taata. Lekeneni bena bamone uwapulamo Kacimfya naiminina pamo, uwaisulamo uluse na maka, aya kwelela. Cisuminisheni ici, Taata.

²²⁹ Kabili ilyo imitwe yesu ili iyakontama, kuti kwabapo bamo mukati muno? Ni banga, nalimo ine kuti na sosa ukuti, abo abenga tila, “Munyina Branham, Ine ndeimya ukuboko kwandi. Mpepelako ine”? Lekeneni imitwe yenu ibefye iyakontama, kabili imyeni amaboko yenu, “Ine nde fwaya ukulepula ukupita mucifumbo conse, mpaka kuti Ine namumwenekesha Kacimfya.” Lesa amupale imwe. Ine, we maboko! Pamulu mu fyakwikalamo, ukuya ku kuboko kwa kulyo? Lesa amupale imwe. Mufyakwikalamo ifyapamulu kunuma? Imyeni. . . Lesa amupale imwe. Mube abacishinka nganshi. Ku kuboko kwa kuso? Imya ukuboko kobe, nokutila, “Munyina Branham, Ine nalimo nali umwina Kristu imyaka iingi, lelo, mucishinka, Ine nshapulamo muli ico cifimbo. Ine nshatala ncicita mucishinka ici. Ine Ine nshakwata Ico cintu bena bakwete pali ilya nshita.” Ileo, ifwe natukwata. . . “Ine kamuti ka muncende iimesha ifintu bwangu bwangu.”

²³⁰ Natumone iluba ilya kushiwa mu luputa ulumesha ifisabo bwangu, imwe mufwile ukulitesa lyena, ukulisunga bwino lyena, ukulifumikisha lyena, ukulitapilisha lyena. Lelo kalya akamuti akakulila kuse kulya ku ciswebebe, limo line iluba, limoneka nga lyena; lyena talikwata amenshi nangu yanono, lelo utushishi tatwikalako. Lyena lyalikalabana. Lyena lya cine.

²³¹ Bushe imwe kuti mwapalanya ubwina Kristu no bwina Kristu bwa lelo, nga fintu bwena bwali ilya nshita? Bushe kuti mwaelenganya lino ibumba, abo ifwe twita abena Kristu ilelo, ukushinguluka icalo, ukuba nga filya bali pa Pentecosti; ukubatesa kabili ukubapampansha, kabili ukufuma kwi chalichi limo ukuya kuli nankwe, kabili, ukusosa cimo icintu ico tawatemwa, ukwima kabili nokuya? Kabili, oh, bushe kuti mwaelenganya ico? Iyo. Bushe nicinshi cilecitika? Ico cakupangamo nacimbi.

²³² Michelangelo, uwapangile icibukisho cakulwa icakwa Mose, imwe kuti mwakwata icakupangamo nacimbi ica ico, pa mutengo unono nganshi. Lelo, icakubalilapo?

²³³ Ulya muntu uwalengele Umulalilo wakwa Shikulu, Ine nde elenganya icakubalilapo icalengwa kuti caba mu mintapendwa

yama dola, nga kuti imwe mwacishita cena. Ine nshaishiba na kuntu cena caba. Lelo imwe kuti mwashita ica mutengo unono icakupangamo nacimbi ica ciko pali dola umo namacenti amakumi pabula na cine konse-konse. Imwe kuti mwacita ico.

²³⁴ Kabili iyo enshila cabelamo ileelo. Umwnia Kristu uwa mutengo unono, icakupangamo nacimbi, abafye kakuma-wa chalichi, imwe kuti mwabashita na fwaka nangu i—nangu icaseka icakunwa. Nangu, kuli na mayo uwaputula imishishi nangu ukupenta imilomo, iwe kuti wamushita ena ne ciliconse icama fashioni ya mwi sonde. Lelo iwe teti wikate iico icakubalilapo.

²³⁵ Ine namumona Ena mukupwililika, umowine mailo, ileelo, no muyayaya.

²³⁶ Oh, we mwina Kristu, bushe taulefwaya ukuba umwina Kristu wacine? Nga cakuti pali abali bonse abashacimya amaboko yenu, kuti imwe mwacita ico? Ukuba, Ine nala pepafye. Lesa amupale imwe. Lesa amupale imwe. Oh, ico cilifye bwino. Loleshenifye kuli ico.

²³⁷ Mwe Taata waba mu Muulu, “Ishiwi Lyenu ta lyakabwelelemo kuli Imwe ibusha.” Imwe nimwe Mwe mwapangile ubulayo. Ine nshingemwefye ukusosa ukuti Imwe nimwe mwacisosele Ici. Ine ndebwekeshapofye Amashiwi Yenu. Imwe mwatile, “Uyo ukomfwa i Cebo Candi, kabili noku cetekela pali Ena uwantumine Ine, alikwata Umweo wa Muyayaya.” Imwe mwailaile ici.


²³⁸ Kabili, Shikulu, ifwe twalishiba ifwe twalikwata fyena ifyakupangamo nafimbi ileelo, abengi abatile bena balicetekela, nomba, bena tabacetekela. Cena cila moneka. Lelo, Shikulu, kwaliba nabakubalilapo, pamo.

²³⁹ Ine napepa ukuti Imwe mucisuminishefye, muno mwine, munshita ya bushiku, ukuti onse shibantu na namayo, umulumendo nangu umukashana, te mulandu icalo bena baba, ilangi bena baba, ichalichi lintu bena bayako, O Lesa, besusheni bena. Lekeni bena bamone ukwacine ukulangishiwa kwakwa uya umo wine Yesu ileelo, panopenefye pakati kesu, nga fintu Ena aali pa Bushiku bwa Pentecosti, ilyo Ena aisokolwele Umwine eka pa nkulo ino, ukuba ni Mupashi wa Mushilo. Cisuminisheni ici, ukumona Amashiwi yafikilishiwa, ama busesemo yaisa citika!

²⁴⁰ Ifwe tulepalanya, ileelo, ico citikwa ichalichi lya calo kulya, Icisaka ca Calo ica ma Chalichi, kabili ukupalanya ico no bulayo pa Pentecosti? Tapali icapalana, nangu panono. Ifwe teti tukawte ifyakufwala fyesu ifya fiko ukucapiwa pali lilya itikiti.

²⁴¹ Lelo, Shikulu Lesa, ifwe nga kuti twaisa bwelelela kuli kalya Kafukauka, kwaliba ubutantiko ubwakuwamya, ninshi ifyakupitamo fyesu kabili i Cebo cakwa Lesa cikasuntinkana ne cinankwe. Nomba, ifwe kuti twapoka icikwatwa cesu.

Cisuminisheni ici, Shikulu, munshita ino iyabushiku, ilyo Ine nabika aba bantu mu maboko Yenu. Peleni kuli cila umo ifyo ifwe tukwete ukukabila, Taata. Twalomba mwi Shina lyakwa Yesu. Ameni.

²⁴² Lesa amupale imwe. Namutotela imwe, apakalamba, pakwiminina, ukulolela panshita itali. Kabili Ine ndi uwalomba ubwelelo Nacimisunga mpaka ba miniti ikumi ukupita pali teni koloko. Lesa abe nemwe mpaka Ine nkese mumona mu lucelo. Napilibwila ukulongana kuli, Ine ndetontankanya, ku waktungulula icila. 

LESA UWAMAKA YONSE AISOKOLOLA KULI IFWE BEM64-0629
(The Mighty God Unveiled Before Us)

Iyi Mbila na Munyina William Marrion Branham yaletelwe intendekelo mu Cingeleshi pali Cimo munshita ya cungulo bushiku, Akapepo kakalamba, pa 29, 1964, kwi Senge Iya Mbila nsuma Lyapwililika ilyaba Shimakwebo Abaume ku musonkano wa Calo conse ku Bellevue-Stratford Hotel ku Philadelphia, Pennsylvania, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org